

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1940

16

T 3205/3142.82

江都縣志卷之十九

陸朝璣奉

試江南揚州府江都縣知縣

百編輯

藝文志後

傳

廣陵先生傳

宋劉發

王氏舊望太原自先生之七世祖居於魏之元城不知其始何遷也叔祖父乙居廣陵先生幼育於乙故遂為廣陵人年十數歲書從羣兒嬉夜獨誦書往往達旦不眠率以是為常未嘗從師為辭章即筆作成人見之

江都縣志卷之十九

哈佛大學漢和
圖書館珍藏印

試江南揚州府江都縣知縣臣陸朝璣奉

旨編輯

藝文志後

傳

廣陵先生傳

宋劉發

王氏舊望太原自先生之七世祖居於魏之元城不知其始何遷也叔祖父乙居廣陵先生幼育於乙故遂為廣陵人年十數歲晝從羣兒嬉夜獨誦書往往達旦不眠率以是為常未嘗從師為辭章即雄偉老成人見之

皆驚年稍長倜儻不羈束周鄉里之急爲不義者而加毀折無所避人皆畏而服之里人滿執中謹厚人也一日先生過之執中以先生所爲爲非是先生因自悔更閉門讀書久之所得益以閱深乃爲竹賦以自廣其姊寡居貧無以自存乃聚徒天長已而積薪之中得芝一葉先生有感焉乃著藏芝賦是時丞相荆國公赴召道由淮南先生賦南山之田詩往見之公得先生大喜期其材可與共功業於天下因妻以其夫人之女弟焉旣而徙高郵太守邵公必延請主學先生辭不獲已強應之尋亦辭去邵公爲部使者以其節行聞於朝廷不報

先生旣喜退隱思江南山水之勝乃遷居潤賦江上山中之詞居頃之熟於潤之山川道里又著遊山記以寓其意居無何以江陰幽僻乃去潤遷江陰江陰地下濕得疾苦足弱因復遷常未幾以足疾終天下士大夫無識不識皆痛惜之荆國公爲誌其墓荆國公旣誌其墓又哀思之著於詩多至十數篇先生德業之敏如駕四馬馭夸路駸駸驟馳雖健步者邈不可及然聞一善言見一善行未嘗不歎慕自以爲不逮事寡姊如事父教姊之孤兒不啻已子歲時祭祀於其考妣必流涕親也饋遺纖介無所受諸生有獻度其家貧禮雖甚勤下也

也平生爲文多操紙立書未嘗有藁或有藁隨輒焚毀故其終家無遺文先生方生管城君名之曰令兒未幾更立名而管城君卒故先生因名令初字鍾美建安黃莘以其造道之深字之曰逢原吳氏從先生一年而寡歸治田桑布素以待盡其趨操論議是皆宜爲先生配先生旣終方得女荆國公爲擇所宜歸歸吳人吳師禮亦名士嗚呼道之不明於世久矣惟道之不明故士於出處皆莫知其所宜守仕於朝廷者知進而巳時不足以有爲雖或援而去之猶不能自止也不然則溺於厚利苟徇世俗以自私無足道也隱於山林者知退而已

時若可以有爲雖或援而出之猶不能自屈也不然則喜於名高苟違世俗以自顯無足取也夫天下有道以道徇身天下無道以身徇道古之君子無必出也無必處也顧道何如耳苟外於道而拘於出處之迹宜其無自而可也方先王之盛時所以造士者有術優游崇養成其自得之實而不使其少累於外物故士多見夫道之大全而進止行道無所於逆三代而後世不知所以造士士未明所以行已而紛紛外物旣已變易其思慮矣則其所守無所適當固其所也嗚呼若先生者可謂豪傑之士矣去三代之久如此而以宏材敏識偉節高

行特立於一時使其無不幸之死而幸與世偶則其所設施當何如哉雖然以大王王季文王武王成就天下之士至於易商爲周而士之備道德之美者宜不可勝數矣管蔡一以流言而朝廷上下遂皆信之知保周公而賊四國者才十夫而已然則士之不待文王而興者豈特罕聞於後世哉雖先王之世固已然矣推此則若先生者其可易得哉世之知先生者或以其文或以其行未爲知先生者也知先生者唯荆國公而世或疑之故詳先生之行事而論次之如此

陳偕傳

秦觀

偕姓陳氏淮南廣陵人家故饒財而偕與其弟獨喜學畫其後技日以進家日以微遂以爲業士大夫旣喜其畫且愛其爲人徃徃稱之然非偕之好也其言曰予從事於茲有年矣凡古今之畫不見則已苟有見焉雖敝縑裂素之餘未嘗不學一不可於意輒復易之舐筆濡墨欣然忘勞蓋是時余方以畫爲事固其勢不得不然乃今思之亦良苦矣且物之有形如浮埃聚沫來無所從去無所詣一興一僨於無窮之中而我方汨汨然隨而畫之可不惑歟彼好事者又從而玩之至藏於巾笥且不欲以數閱可不謂大惑者歟嘻今老矣顧家貧無

以給衣食之奉聊復俛仰於其間至於得失精粗不復經意也又曰有學於余者衆矣余將教之必使縱心之所勤肆筆之所成以觀其天蓋工而不雅者有矣疎而不俗者有矣詳略得宜意氣容與卓乎遂若無與及者亦或有焉余從而告之曰其後當然其後當然已而果然夫畫固技之微者也其猶若是又况有貴於畫者哉其子直躬亦世其學而所言尤異嘗曰昔宋元君時畫圖有一史解衣槃礴元君曰是真畫者也夫解衣槃礴固倜儻之所得閒暇之所好也元君乃以爲真畫其意果安在乎有得於此然後可以言畫而或說以謂神定

意閑固以異於他史其亦失元君之意矣余聞而異之又從而思之豈所謂自得於已者耶抑亦得於人者耶將內雖不克其言而頗亦有志於是耶人固未易知然比夫銜技以夸人賈能以售汙俗者相去亦遠矣古之君子聞一言中於理必書之故漁人之所賦孺子之所歌皆得載於前史矧其有合於道德之要者乎於是爲傳其言以遺同好亦時觀之以自擇焉

贈太僕少卿郝公傳

國朝王 巖築夫寶應

郝公景春字和滿揚州江都人也慕楊忠愍爲人每其年譜輒太息生平數窮困或曰子困固當胡不學今

之術乎公曰今有術耶吾乃今矣因別號乃今既歎曰
吾終不善今也又更自古因圓其冠前角而後方之謂
居偶發篋忽泣數行下其子驚問故則手泰昌錢拭淚
曰見此憶聖天子也公以萬曆壬子舉人仕鹽城教諭
改陝西苑馬寺錄事遷黃州府照磨陞房縣知縣時流
賊張獻忠熾甚所過城郭屠滅一空入湖廣與羣盜蹂
躪諸府縣鄖襄間聚九營而羅汝才白貴黑雲祥者三
營逼處房地房城高丈餘被兵數載且在萬山中轉饜
無所公之房次子鳴鸞請從公至則修城壕築敵臺招
流移諸守禦具備當是時總理軍務都御史熊文燦奉

命討賊不辦遂主招撫獻忠乃就撫文燦請於朝授副
總兵居之穀城所謂西營八大王者也文燦使監軍僉
事張大經監其軍而汝才雲祥暨貴皆陽言乞撫逼房
踞郊關公告急文燦不問然公志在戰守不欲撫文燦
嫉之檄謂今朝廷欲化賊爲民奈何驅民爲賊乎賊聞
之喜遂沿城屠掠公擊殺數十百人賊懼訴文燦文燦
謂公壞撫事趣公駐賊城外使指揮數人至房安插指
揮受賂賂惟所欲房人驚譁哭訴搏指揮公力解乃止
旣三賊逼城下自東至北爲汝才壁號曹操營自西
南爲雲祥壁號整十萬營而貴壁則分列城西北及西

江都縣志 卷十九
南號小秦王營凡衝要地盡安塘置馬焉公不得已單
騎抵賊壁約盟因明約束畫疆界乃定已而歎曰吾
奇不可逃也夜半篝燈自著數奇紀畧公夙慕忠愍此
卽自著年譜意云未幾獻忠叛穀城知縣阮之鈿死之
大經從賊爲前驅引兵圍房汝才等絕其糧割田中麥
助賊時城中僅羸兵二百公以寸紙繫卒髀間爲丐狀
縋城求援於文燦凡十四往不報獻忠遺公書要以讓
城公怒曰郝老頭可斫城不可讓也賊因急攻公與鳴
鸞乘城施大小砲石身自指揮賊布雲梯以登公用鈞
奪其梯數十不得上自下掘城公熱沸油傾之死者近

千人賊乃掘墳毀棺出口取版蔽以掘城公用火燒之
兼擊大石死者數百人獻忠恚甚益兵圍數十重且執
刀乘馬繞城走視攻不力者殺之公置錢城上指曰擊
中一賊賞千錢兵民益奮須臾錢盡又斃賊數十百人
鳴鸞亦手擊數人相持五晝夜賊氣奪撤圍將宵遁忽
汝才至城下周麾大呼曰城破矣則守北門指揮張三
錫知援絕以繩縋賊相引而登故也城旣陷守將楊道
選率兵巷戰死之監軍僉事從賊張大經紅纓大帽持
短槍乘白馬先入索公獻忠繼至入坐縣署賊兵擁八
至起降階迎奉卮酒飲公公叱之忽數十人持令旗馳

至曰曹營令我等來救郝知縣擁公上馬去時鳴鸞從亂軍失散往來求公不得而僕陳宜散髮跣足從亂軍求公遇之至曹營公曰誰爲求吾兒來汝才使一卒執旗去徧求之鳴鸞不得公哭於道久之遇執旗卒會夜大雨如注鸞奔至見公哭公曰男兒至此只要自己決斷耳以手自畫頸曰此亦不甚痛也鳴鸞收淚慷慨曰兒所苦父子死不相見旣見敢不死觀者皆泣汝才說公降不應大經以監軍從賊欲得公分其惡故與獻忠謀使汝才說公有頃獻忠使卒來索公命鳴鸞且留遂往陳宜隨之至則獻忠大經並坐獻忠問庫銀倉米安

在聲甚厲公叱曰死賊倉庫有物城豈爲汝陷乎賊怒殺典史以懼公公不動大經起前勸曰事已至此須識時公大罵曰汝受朝廷厚恩官監軍負國辱親甘從死賊我死必活捉汝獻忠大怒使卒擁公出公口不絕罵至西河邊鳴鸞痛哭追至公呼好者再遂遇害鳴鸞大呼曰死賊何不併殺我遂與宜俱遇害王簿朱邦聞罵賊不肯屈一門皆死崇徵十二年五月二十九日也事聞部擬贈尙寶寺卿天子嘉公忠改贈太僕寺少卿廕一子入監特祠祀鳴鸞陳宜祀公旁

王巖曰予聞冷水道人者不知何許人常出入諸督撫

江都縣志 卷之九
幕中叅其謀畧又能得賊陰事豫以告且於凶吉皆先知終日惟飲冷水窮冬亦然公死道人白其事圖上請贈廕矢一日不死必辦此然於公無半面識也嗚呼世之平居稱相知而毛髮利害反面如不相識者聞道人之風亦少知愧哉

江都知縣周公傳

汪懋麟

公周氏諱志畏字抑畏又字雪松寧波鄞縣人曾祖炯封文林郎祖天覺故明萬曆己卯舉人鄧州知州父乃祚寧波府學生員贈江都知縣母李氏贈太孺人某府知府李公應辰女初孕公時夢神告以月望當生兒及

生果及望因小字望公負至性少讀書見古人忠孝節義事卽感激奮發日夜磨礪思發舒其所欲爲事父母孝母早得疾卧牀十餘年公視藥卧側不敢離間潛誦書以慰其父夜不敢解衣寢中裙廁踰日取浣濯不假妻子手久無倦容母亡一年父尋歿朝夕哭毀瘠過哀及塋不輟哭遇風雨卽麻衣趨伏墓上慟哭霽始返自傷爲諸生未得志養其親常書蓼莪篇自責且詠且哭聞者哀之服除崇徵壬午舉於鄉明年癸未成進士又明年甲申流賊李自成陷京師謁選南京得江都當是時捍帥分部四鎮國家莫能制所至奴官吏蹂百姓稍

江都縣志 卷十九
不當橫刀怒視揚州一鎮尤酷惡吏民苦之帥旋死兵無所統益橫暴公適下車將弁氣凌公公強項抗不撓取其兵害民者置以法兵大譟謀劫公廷論多公直恐不免議調歛縣大學士史公可法督師駐揚州知公才欲倚爲佐聞調慰留之曰敵且至城孤立無救度不能守民旦夕死我與子俱死民所以不卽死者恃我與子在耳子卽去如民何公素子畜民民依戀卒不忍去城中餉匱公往高郵區畫糧數千斛入城爲堅守計未幾大兵薄城下史公守西門公守小東門躬率士卒被介胄嚴刁斗宿敵樓上夜不交睫攻益急有給公降者

索縣印公罵之曰城破吾抱印死印不可得西門破史公死兵入執公不屈擁至南郭福緣庵刃公於水公平時常以小鏡置懷中用以爲鑑至是死數日無知者一僕行覓公見尸水上識其衣啟視鏡宛在乃哭殮焉公生於萬曆丙辰四月十七日死於乙酉四月二十五日娶袁氏一子斯言比聞公死泣不止歿於江都尼庵甫八歲公兄子斯盛字岷公

皇清順治辛丑進士以文章名於時哀公死之久而未彰也屬余爲之傳

論曰乙酉之難史公死城守顯白昭著矣乃以葬不得

尸人迄今疑之甚矣小人之不可語大義也嚮使周公之尸不出其疑又孰能辯哉周君吧公不死其叔以弟斯戩繼公後又表彰之嗚呼賢矣

碑銘

追崇揚王神道碑銘

明宋

濂

景濂
金華

皇帝恭膺大寶式展孝思既追崇祖宗四代帝號建立太廟復念皇太后之所自出追封外王父爲揚王外王母爲揚王夫人建祠於太廟之東歲時遣重臣致祭近有來自淮陰者言王墓在盱眙如故上聞之悲喜交集卽詔內臣及圓坵署令往祭而修治之置灑掃之戶凡

三護視塋域且命詞臣撰文以樹諸神道臣濂伏讀御製王之行若曰王姓陳氏世爲維揚人不知其諱當宋之季名隸尺籍伍符中從大將張世傑扈從祥興帝駐南海至元巳卯春世傑與元兵戰師大潰士卒多溺死王舟亦爲風所破幸脫死達岸與一二同行者累石支破釜煮遺糧以療饑已而糧絕計無所出同行者曰我等自分必死聞鬻髀山有死馬共烹食之縱死亦得爲飽鬼不識可乎王未及行疲極輒晝睡夢一白衣人來謂王曰汝慎勿食馬肉今夜有舟來共載也王以爲偶然未之深信俄又夢如初至夜將半夢中髣髴聞櫓聲

有衣紫衣者以杖觸王之膝曰舟至矣奈何不起王驚寤身忽在舟中見舊所事統領官時統領已降於元元將畏舟壓凡有來附者擲弃水中統領憐王亟藏之艤板下日取乾餼從板隙投之王掬以食度王之渴乃與王約以足撼板王卽張口向隙受漿居數日事將洩皆彷徨不自安忽颶風吹舟盤旋如轉輪久不能進元將大恐徧求於禱祈者不可得統領知王能巫術遂白而出之王仰天叩齒若指麾鬼神狀風濤頓息元將喜因飲食之至通州賚王數鉅魚送之登岸王歸維揚不樂爲軍伍避去盱眙津里鎮擇地而居以巫術行王無子

生二女長適季氏次卽皇太后晚以季氏長子爲後年九十九歲而薨遂葬焉今墓是已臣濂聞之君子之制行能感於人固難而能通於神明爲尤難今王當患難危急之時神假夢寐挾之以升舟非其精誠上通於天何以致神人之祐而至於斯也王之羣行其詳雖若不可知舉此而推之則其積德之深厚斷可信矣是宜慶鍾聖女誕育皇上以啟國朝億萬年無疆之基於戲盛哉昔日史臣贊堯之德首以親九族爲言其效至於黎民於變時雍之盛然九族之中母族居其三皇上以念母之故思王不能忘封以王爵享以祠廟今又樹碑墓

道以紀其異行是皆以孝治天下也將見四方嚮風咸知以孝自勉皞皞熙熙臻夫隆平之治不難矣臣濂既序其事復再拜稽首而獻銘曰

皇帝建國克展孝思疏封母族自親而推錫爵維揚地邇帝畿立廟崇祀元冕衮衣痛念宅兆卜之何墟閭師來告今在盱眙皇情悅豫繼以涕洟即詔禮官汝往葺治母俾蕘豎跳跟以嬉惟我揚王昔隸戎麾寧風蕩海糧絕阻饑天有顯相夢來紫衣挾以登舟神力所持易死為生壽躋期頤積累深長未究厥施乃毓聖女茂衍皇支蘿圖肇開鴻祚峩魏日照月臨風行電馳自流徂

源功亦有歸無德弗酬典禮可稽聿昭化原扶植政基以廣孝治以惇民彝津里之鎮王靈所依於昭萬年視此銘詩

銘

揚州蓮花漏銘

宋韓琦

慶曆六年五月日揚州新作漏刻成知軍州事資政殿學士右諫議大夫韓某乃為銘曰

天運雖大信則不渝智者善作器乃冥符以漏考辰始乎渴烏以箭定刻發乎金徒覆視晷景弗差毫銖節候既正鼓鐘以孚晝訪爾治夜安爾居政則不怠監哉摯

壺

揚州府譙樓鐘銘

明羅 玘景明南城

弘治五秋誰尸此州長清房侯侯耳城譙惟鼓其朝亦鼓其宵宵朝匪鐘四紀春冬民罹歲凶凶占厥聲民胥告鳴侯夫屬能能簿馬進是治其釁登簏斯震震聲四遠實自侯發侯政桓撥撥災為祥豐年穰穰地久天長

志道堂銘

湛若水元明增城

志道堂者巡鹽侍御芝南徐君遠卿所建於惟揚書院之堂也以志道名堂示志道也徐君既治甘泉山書院之樓又治惟揚書院之堂何居曰兼以惠教夫惟揚之

多士也若欲藏修以致密則於居惟揚焉若欲游息以廣大則於居甘泉山焉凡以為道也夫道者天之理也人之路也舍正理是自失其正路失其正路者自賊者也夫理一而已矣以其原於天則謂之命以其性命之主宰則謂之心以其心之生理則謂之性以其循性之所發而由之則謂之道道即理也以其理出於天之所為則謂之天理知天之理則知道矣知而弗去確乎而不可奪則謂之志語曰匹夫不可奪志夫不可奪者乃志也可奪非志也夫志也者非徒志也志道也春秋傳曰吾志其日蓋有主之矣徐君請焉作志道堂銘

維民利生天地自然利王功帝權海歛山明道計功先
民有言淮海惟揚有美一人抑功明道維柱史君曷明
曷道脩政立教肇開兩院斯文有作或謀廣野或處城
府或開或闔或守或悟或以藏脩或以鼓舞恢恢厥堂
志道孔彰何名志道聖謨洋洋斯道何道自觀我生自
求自得自昭自明維天之命維人之常於維宣聖十五
有定以茲而立不感知命耳順從心初志斯正如彼射
者志目弦應如猫捕鼠而視不瞋如木斯根如水斯源
以達四海以叅高旻志之志之倚衡叅前學問思辯篤
行其先勿忘勿助有廓其門其門維何不少不多有事

無事大中至和何謂中和毫末莫加千里之謬毫釐之
差早辨爾志孰正孰邪

文

揚州勸農文

宋方岳

巨山

乃二月壬寅守廣陵趙某誕進州之父老而告之曰淮
海惟揚州厥土惟塗泥厥田惟下下矧廣陵越在邊圉
曩則亦有繹騷以患苦吾父老荒而敷菑用不遑於厥
家爾父兄子弟亦惟艱哉今天其佑我宋歲仍大熟有
逋虔劉宵遁窮北爾父老其修乃疆畝濬乃澮洫簡乃
錢鎛穀乃鋤耒無敢不良以敬迓天之大豐美守閔再

江表縣志 卷十九
寒暑罔不一念在爾民東作俶興用咨爾一二父兄惟
田里熙熙以董太和時則有豐年母訟惟仰父俯子勤
勞於厥躬時則有豐年母游惟不淫於非藝以惛乃心
時則有豐年母博惟不狎於甲兵以寧爾婦于時則有
豐年母很惟爾一二父兄念哉其無斁

詩 五言古

廣陵岸北送使

梁陰 鏗子堅

行人引去節送客艤歸艫卽是觀濤處仍爲郊贈衢汀
洲浪已息邗江路不紆亭嘶背櫪馬檣轉向風烏海上
春雲雜天際晚帆孤離舟對零雨別渚望飛鳧定知能

下淚非但一楊朱

淮南秋夜呈周侑

唐 李 嶷

天淨河漢高夜間砧杵發清秋忽如此離恨應難歇風
亂池上萍露光竹間月與君共遊處勿作他鄉別

之廣陵宿常二南郭幽居

李 白

綠水接柴門有如桃花源忘憂或假草滿院羅叢萱暝
色湖上來微雨飛南軒故人宿茅宇夕鳥棲楊園還惜
詩酒別深爲江海言明朝廣陵道獨憶此傾樽

敘舊贈江陽宰陸調

泰伯讓天下仲雍揚波濤清風蕩萬古跡與星辰高開

吳食東溟陸氏世英髦多君秉古節嶽立冠人曹風流
 少年時京洛事遊遨腰間延陵劍玉帶明珠袍我昔闔
 雞徒連延五陵豪邀遮相組織呵嚇來煎熬君閑萬叢
 人鞍馬皆辟易告急清憲臺脫余北門厄間宰江陽邑
 翦棘樹蘭芳城門何肅穆五月飛秋霜好鳥集珍木高
 才列華堂時從府中歸絲管儼成行但苦隔遠道無由
 共銜觴江北荷花開江南楊梅熟正好飲酒時懷賢在
 心目掛席拾海月乘風下長川多沽新豐醪滿載剡溪
 船中途不遇人直到爾門前大笑同一醉取樂平生年
 一本作太伯讓天下仲雍揚波濤清風蕩萬古跡與星
 辰高開吳食東溟陸氏世英髦夫子特峻秀岳立冠人

曹風流少年少京洛事遊遨驂驪紅陽燕玉劍明珠袍
 一諾許他人千金雙錯刀滿堂青雲士望美期丹青我
 昔北門厄摧如一枝蒿有虎挾雞徒連延五陵豪邀遮
 來組織呵嚇相煎熬君披萬人叢脫我如貌牢此耻竟
 未刷且食綏山桃非天雨文章所祖託風騷蒼蓬老壯
 髮長策未逢遭別君幾何時君無相思否鳴琴坐高樓
 淅水淨窗牖政成聞雅頌人吏皆拱手投刃有餘地迴
 車攝江陽時從府中歸絲管儼成行但苦隔遠道無由
 共銜觴江北荷花開江南楊梅鮮掛席拾海月乘風下
 長川多沽新豐醪滿載剡溪船中途不遇人直到爾門
 前大笑同一醉
 取樂平生年

留別廣陵諸公

憶昔作少年結交趙與燕金羈絡駿馬錦帶橫龍泉寸
 心無疑事所向非徒然晚節覺此疎獵精草太玄空名
 束壯士薄俗棄高賢中回聖明顧揮翰凌雲煙騎虎不

江表志 卷十九
敢下攀龍忽墮天還家守清真孤潔厲秋蟬鍊丹費火
石採藥窮山川臥海不關人租稅遼東田乘興忽復起
櫂歌溪中船臨醉謝葛强山公欲倒鞭狂歌自此別垂
釣滄浪前

發廣陵留上家兄兼寄上長沙 韋應物

京兆

將違安可懷宿戀復一方家貧無舊業薄宦各飄颺執
版身有屬淹時心恐惶拜言不得留聲結淚滿裳漾漾
動行舫亭亭遠相望離晨苦須臾獨往道路長蕭條風
雨過得此海氣涼感秋意已違况自結中腸推道固當
遣及情豈所忘何時共還歸舉翼鳴春陽

廣陵行

雄藩鎮楚郊地勢鬱岌堯雙旌擁萬戟中有霍嫖姚海
雲助兵氣寶貨益軍饒嚴城動寒角晚騎踏霜橋翕習
英豪集振奮士卒驍列郡何足數趨拜等卑寮日晏方
云罷人逸馬蕭蕭忽如京洛間遊子風塵飄歸來視寶
劍功名豈一朝

初發楊子寄元大校書

悽悽去親愛泛泛入煙霧歸棹洛陽人殘鐘廣陵樹今
朝此爲別何處還相遇世事波上舟汧洞安得住

廣陵遇孟九雲卿

江者縣志 卷十九
雄藩本帝都遊士多俊賢夾河樹鬱鬱華館千里連新
知雖滿堂中意頗未宣忽逢翰林友歡樂斗酒前高文
激頽波四海靡不傳西施且一笑衆女安得妍明月滿
淮海哀鴻逝長天所念京國遠我來君欲還

湖中送敬十使君適廣陵

杜甫
子美襄陽

相見各頭白其如離別何幾年一會面今日復悲歌少
壯樂難得歲寒心匪他氣纏霜匣滿冰置玉壺多遭亂
實漂泊濟時曾琢磨形容吾校老膽力爾誰過秋晚岳
增翠風高湖湧波騫騰訪知已淮海莫蹉跎

廣陵

權德輿
載之畧陽

廣陵實佳麗隋季此爲京八方稱輻輳五達如砥平大
旆映空色笳簫發連營層臺出重霄金碧摩灝清交馳
流水轂迴接浮雲薨青樓旭日映綠野春風晴噴玉光
照地輦蛾價傾城燈前互巧笑陌上相逢迎飄飄翠羽
薄掩映紅襦明蘭麝遠不散管絃閑自清曲士守文墨
達人隨性情茫茫竟同盡冉冉行何營且甲今日歎莫
務身後名肯學諸儒輩書窓誤一生

晚步楊子游南塘望沙尾

劉禹錫
夢得彭城

淮海多夏雨曉來天始晴蕭條長風至千里孤雲生卑
濕久喧濁塞開偶虛清客遊廣陵郡晚出臨江城郊外

江都縣志 卷十九
綠楊陰江中沙嶼明歸帆翳盡日去櫂聞遺聲鄉國殊
渺漫羈心目懸旌悠然京華意悵望懷遠程薄暮大山
上翩翩雙鳥征

揚州寒食贈屯田張員外成均吳博士同年殿

省柳丞

宋 王禹偁 元之 鉅野

前年寒食節待詔直內庭休暇百官出獨掩深嚴扃近
侍不敢醉賜酒空滿瓶閑就通中枕時聞索上鈴思入
無何鄉兀然欲忘形去年寒食日滁上添專城山歌喧
里巷春物媚池亭永陽溪水綠琅邪山色青謫宦自消
遣不敢誇獨醒往往取官醞時時對花傾醉來念身世

翻使淚縱橫今年蒞淮海時節又清明堆案有留事聽
歌無懽聲胥徒費簿領使客煩送迎狴牢未空歇堰埭
勞修營衰病力不支懶慢性已成虛花滿雙目素髮添
幾莖酒肴畧無味妓樂固難聽誰言寒食下終日取茶
烹屯田布素交屈此關市征昔年同應舉典衣飛巨觥
博士東觀客求官得步兵況且丹陛前同為出谷鶯殿
丞尹我邑桑枝復弟兄吏隱掌齏茗終朝看道經三賢
宴會少七夕休假并何不策我馬廢苑尋放螢何不蕩
我舟樓基訪摘星三春景欲盡九曲波始平居然逼吏
役頓此阻交情老態厭春華病身憂宿醒如水若不改

藉糟亦胡寧解印蓄素志吟詩露丹誠維揚非所愛有
便即歸耕

揚州池亭即事

冥心閱羣動亦各取所安胡為名利人戚戚常鮮歡吾
生四十四結珮呼郎官掌言入綸閣待詔直金鑾匪謂
得祿少所嗟行道難前年謫滁州憂畏雙鬢殘賴有琅
琊溪時濯塵纓冠朝僉徙淮海任重力易殫君恩詎可
報感激涕汎瀾民瘼不能治惻隱情悲酸况復多病身
名宦心已闌歸田未果决懷祿尚盤桓公退何所適池
亭一凭欄旭日媚春草微風生鳴湍呵童勿挾彈留客

不持竿用冀魚鳥馴熙熙肆游觀神仙未可學吏隱聊
自寬孤吟刻幽石此義非考槃

楊子江觀風浪

蘇舜欽 子美

晚至瓜洲渡繫舟泊西灣日落暴風起大浪得縱觀憑
凌積石岸吐吞天外山霹靂左右作雪灑六月寒吁嗟
至柔物威壯不可干若為神龍憑氣勢非一端大艦失
所操翻覆如轉丸高山雖有路輟險馬足酸居朝號安
逸重祿多憂患爭得清靜交共騎雙翔鸞矯翅入赤霄
不見此險艱奈何蚩蚩衆共處天壤間因知古聖人立
法萬世安濟川作舟梁鑄鼎窮神姦朝廷布禮度粲粲

江都縣志 卷十九 三
莫可刪後來漸破壞所向行路難凶邪得騁志物命遭
摧殘視此念古昔杖藜空盤桓

依韻和劉原甫舍人赴揚州途次贈予翩翩河

中船

梅堯臣

聖俞宣城

我船緩而西君船迅而東緩迅各所尚不意中路逢驥
馬方騰雲野鶴還就籠亦言出處異同是天地中我豈
不知命人空嗟其窮何當遂逸性川上作釣翁

同狼山印老早飯建隆遂登平山堂

呂本中

居仁金華

塵埃障西風草木被朝日籃輿郭北門未厭來往疾僮

奴嬾不進頗復費呵叱道人先我行宴坐已一室殷勤
勸客住午飯當促膝爐烟牕紙明鳥語樹葉密却上平
山堂晚景更蕭瑟澄江渺天際妙語不容乞平生泉石
念固自有遺失何能從兒曹十事九不實茲遊豈不快
此老固坦率尚從文殊師一往問摩詰

邵伯阻風小泊贈送行諸公

陳造

長征每愛日小泊未遑意陰風自南北客子聽軒輊召
棠望吾鄉不作秦越異船閣鴈鷺洲人穿魚蝦市相逢
各吳語知識十三四水實不自買海錯有佳饋餞行餘
十客超俗見友義笑譚寒谷春爲我洗羈思相與卧玉

瓶跋燭得微醉老懷易作惡別語毋動喙

邵伯停舟辟雨

去年是日之山陽辟雨繁梁作菩薩蠻云

窓度荷芰風舟艤鴛鴦浦落帆憇篙師辟此白涼雨長
征取愜快留滯不云苦適喜縣麻執為盪鑠石暑去年
舟繫柳卧看虹飲渚龍公會事發尙記跳珠語崎嶇不
諧俗似為龍所予一盃酬新涼開瓶先酌汝

渡楊子

王其姓者助扶柁安然已濟喜而有作

濤江吞天去委此舟一葉前之恃勇往微命幾顛踰弱
纜維復解宿浪俄妥帖北風不滿帆晴空欲凌躡淮人
鄉情重相為細扶楫浮玉瞥眼過笑譚得利涉窮塗有

快意十北收一捷龍公不常喜未用輕吾怯

竹西懷古

李

易

順之江都

淮南昔繁麗富庶天下稱管絃十萬戶夜夜聞喧騰不
徒竹西寺歌吹相豪矜一朝烽火急塵市為溝塍風月
無歡場睥睨皆射堋荒荒野月白照地如寒冰自從畫
江守歲歲輸金繪蕭條閭井間水旱又頻仍我來經故
里日暮此一登隋唐倏已往遺迹幾廢興江山極蒼莽
望之涕沾膺

適揚州

明袁

凱

景文華亭

淮海表茲郡東南誠要津近代亦雄藩親王蒞斯民荆

吳自茲入燕趙亦來臻舟車無停運孳貨若邱墳冠蓋
 充鄆里歌吹咽城闈美酒既如澠梁肉夾道陳休養近
 百年富庶難具論大道無恒處榮悴每相因風烟一披
 拂奄忽同埃塵空屋嘯蹲鴟崩垣走驚麀萑苻交四野
 骹骼儼若新貴賤不復知賢愚安能分子有山陽遣經
 過屬秋辰憑高肆遐覽落日無行人欲繼蕪城作薄劣
 愧叅軍

過江距廣陵三十里值雨寄王十一使君

國朝汪琬茗文長洲

天陰生暝寒楚客傷寂寞微雨江上來江村杏花落燕

歸柳塘社漁返瓜洲郭何處遠鐘聲孤舟且須泊

新秋楊子橋舟中

王士徵

秋聲渡楊子一雨涼颼發秣陵暮潮歸瓜步殘鐘歇無
 事悲客心曠如久離別橫笛起宵闌孤篷見微月

上方寺觀蘇公送使石刻次原韻

汪楫舟次江都

鳳吹亦已歇古寺空鳴蟬琅玕一丈碧寂寞埋寒烟尋
 幽賴法曹謂王阮亭司理升之頽垣顛馬蹄踏不碎爛熳銀鈎
 懸我嘗擬蘇公蓬萊無此仙文苑與功業得一皆足賢
 橫空盤百字味敵庭中泉含咀最甘冽延佇尤便娟夙

昔不自量駑驥思聯翩十年重拂拭貞珉嗟徒然

詩七言古

琴歌揚州送別

唐李頎
洛陽

主人有酒歡今夕請奏鳴琴廣陵客月照城頭烏半飛
霜淒高樹風入衣銅爐花燭獨增輝初彈綠水後楚妃
一聲似動物皆靜四座無言星欲稀清淮秦使千餘里
敢告雲山從此始

還揚州許書記家集

許渾孫進
家集得官

宋王禹偁

君不見近代詩家流胡爲蹇滯多窮愁孟郊顛顛死逆

旅浪仙斥逐長江頭張生漂泊冬瓜堰徒云輕薄萬戶
侯浩然無成鹿門去李恫慟哭昭陵休生無風教興王
化死無勲爵貽孫謀可憐詩道日已替風騷委地何人
收高陽許公精六義獨向聖朝生後嗣因將先集進九
重高步金臺曳珠履祖德光輝聖主知府尹賢明丞相
子時維揚權牧卽故
中令薛相之子廣陵郡大古九州記室官清外三
事遂令天下學詩人健美君家窮四始我來迎侍游江
都玳筵往往陪歡娛遂求家集恣吟諷海波乾處堆珊
瑚因思賈孟數家一何苦詩鬼磬磬餒無主子孫淪沒
誰及君閑倚紅蓮傾淥醕草檄餘閑好賦詩莫放風情

忝爾祖

廣陵大雪

韓琦

淮南常歲冬猶燠今年陰沴何嚴酷黑雲漫天一月昏
 大雪飛揚平壓屋風力軒號助其勢擺撼琳琅摧凍木
 通宵徹晝不暫停堆積樓臺滿溪谷有時造出可憐態
 柳樹梨花亂紛撲乘溫變化雨聲來度日階庭恣淋漓
 幾縈寒霰不成絲驟集疎簷還掛瀑蟄蛙得意欲跳擲
 幽鷺無情成挫辱魯魚江叟冰透蓑賣炭野翁泥沒輻
 閭閻細民誠可哀三市不喧游手束牛衣破解突無烟
 餓犬聲微饑子哭我聞上天主時澤亦有常數滋農穀

膏潤均於一歲中是謂年豐調玉燭此來盛冬過爾多
 却慮麥秋欠霑足太守憂民仰天祝願御名氛霾看晴旭
 望晴不晴無奈何擁被醉眠頭更縮

東坡先生移守廣陵以詩往迎先生以淮南旱

書中教虎頭祈雨法始走諸祠即得甘澤因

為賀

晁無咎補之 鉅野

去年使君道廣陵吾州空市看雙旌今年吾州歡一口
 使君來為廣陵守麥如櫛髮稻立錐使君憂民如已饑
 似聞維舟禱靈塔如絲氣上淮西睢隨軒膏澤人所待
 風伯何知亦前戒虎頭未用沈滄江龍尾先看掛清海

為霖功業在傳巖如何白首擁彤幃世上讒夫亂紅紫
 天教仁政滿東南青袍門人老州佐於世無成志消惰
 封章去國人恨公醉笑從公神許我瓊花芍藥豈易逢
 如淮之酒良不空一醕孤鴻烟雨曲平山堂上快哉風

楊子江阻風

王令 逢原廣陵

楊子江風十月初西駕巨浪東無隅常憂傾搖地為動
 意欲起塞天無虛大舟不行就繫岸小舟分去爭得魚
 舟中壯士起坐笑有酒更為斜陽酌

楊子江頭遇仙行

元吳萊 淵穎浦江

晴沙獵獵吹林莽日晚南犇命如縷延秋門上烏更啼

楊子江頭暗風雨就中五馬一馬龍獨據滄海超河宗
 塵侵犀筋不復飮鬼瞰寶玦難為容蓬萊仙人按城堡
 蕭國芎藭何足道氏族無憑指素波刀圭不用接靈草
 萬里蒼茫豈所聞須臾變滅但荒雲東南王氣今溟漠
 夢入三山見樓閣

運夫謠送督運部使之揚州

明邊貢 廷實歷正城

運船戶來何暮江上旱風多春濤不可渡運船戶來何
 暮裏河有杼外有灘斷篙折纜愁轉般夜妨蟲鼠日妨
 漏糧冊分明算升斗官家但恨倉廩貧不知淮南人食
 人官家但知征戍苦力盡誰憐運船戶運船戶爾勿哀

江都縣志 卷十九
司農使者天邊來

廣陵行

王廷相 子衡 儀封

野客回橈噴雪霜廣陵煙水春迷茫海門潮上如砭石
楊子逆捲飛濤長古來形勝眼前在人事紛龐物華改
二十四橋赤闌新祇今明月常相待荒亡之帝千餘秋
不忍言之赤子愁離宮別院七十二此生欲徧人間遊
翠華宮中夜啼烏天子詔幸惟揚都九門車馬如風雨
宰相已進南巡圖諫官叩陛侍者麾玉姬被逐卜臣危
嵩靈河伯駭以走洪波不留風倒吹山鷄翡翠空如錦
誰能留住鳳凰兒彩旆初臨汴河滸飛心已入金山浦

龍舟不載羽林軍錦纜成行紫宮女宮女明粧皎白雪
却愛璫花光艷絕不道蛾眉能悞人翻使君王棄宮闕
蕭牆禍變豈虛作斗外天狼夜蝕月千年寶井生琉璃
猶有精靈自嗚咽楚關吳口山水明紫霄終夜浮雲生
朝市變盡滄波綠不斷扁舟載客行客行繚繞隋皇堤
堤上春風楊柳齊傷心欲弔前朝事楊葉揚花路轉迷

廣陵贈楊戶曹

唐 龍 虞佐 蘭谿

戊子之秋江上行君乘短舫來將迎風檣如馬不可停
蒼煙白水空有情五月菖蒲匝江綠仍到江頭采民俗
雲津倏停使者車細雨長談照明燭周道透遲肅采齊

胸中煥爛羅珠璣昔日此城不相見今日却恨相見遲
相見何遲別何亟江籬河柳映秋色十里漕艘一呼吸

揚州春眺卽事

張元凱左虞吳縣

紫萸村邊楊子灣黃公鑪頭使者關舟楫遠通淮北水
樓臺近見江南山高岡百尺臨官渡浮煙不盡斜陽暮
前朝楊柳幾株存寒鴉飛盡蕪城路

揚州謠二首

來復陽伯三原

長淮千里水流過廣陵市水韻如有情蕭條咽閭里我
作使君恩未宣虛乘舸舸媿登仙却嫌金鼓嘈嘈響驚
起鳧鷖不近船

水融湖上郭雪擁浪花白漕流湖沒堤愁殺風帆客兩
岸禿楊倒着身年年稻熟半沉湮遠賈邨農搔首去誰
知二十四橋春

揚州春

國朝杜濬于皇黃岡

揚州春迎春自東郭盡道今年官作春先期三日行催
索積雪泥深一尺餘倡婦挾瑟乘肩輿紅粧半露疎簾
裏不知顏色還何如春日諸官宴綵幄此曹勸酒須唱
曲請君但聽曲莫聽六街三市哭

柳花歌寓蕪城作

毛甡大可蕭山

春風濯濯江南路吹過邗關到瓜步邗關三月春草長

青樓大道怨春陽
春初開日杲杲大道花飛一何早
清明漸近細雨來
繞樹游絲墮縹緲游絲縹緲繞如霧
飛入隋堤柳條在隋堤柳色青
瓏璵媿媿流鶯啼不去
流鶯啼處停玉鑣
依依拂面盡長條
揮鞭既度紅欄曲
驅車還上綠楊橋
紅欄綠柳心斷絕
隋苑隋堤有離別
新聲三疊何處吟
弱線千條倩誰折
可憐青草及春暮
可憐綠柳低還仆
青樓曳翠縈酒壚
白馬連錢繫歸渡
低枝毵毵接長坂
高枝蓬蓬白花滿
茫茫飛雪繞去遲
冉冉輕綿罥來晚
翩隨晚蝶罥朱花
緩向春烟拂暮鴉
幾時飄飄落西苑
幾時流蕩去南家
南家西苑兩相棄
流蕩飄飄日顛顛
春風吹去不上天
春燕銜將復垂地
初翻積雨障輕塵
更度粧樓裊素茵
茵滿眼離披不知處
愁殺東西行路人

紅橋春遊戲爲隔離梅花歌

王式丹

方若寶應

梅花欲開未開時
西行湧浪天之涯
還尋烟花及三月
猶有春風千萬枝
可憐揚州好風景
紅橋橋畔斜陽影
連岡壓水園林多
一川霞浸燕支冷
画舫爭裝歌吹歸
名花寂寞誰管領
我亦來游盪小航
柳絲迎客何飄揚
拉伴漫思載酒地
眼前無處容清狂
隔離遙見花幾樹
牽舟便向花旁住
聽歌都是懊懺歌
偷眼穠華奈汝何

江都縣志 卷十九
似聞小鳥向花語籬邊有客潛窺汝低鬟障袖雲橫渚
芳氣幽通心暗許誰教咫尺空延佇相逢且喜得相憐
留春莫放東風顛更待花陰一醉眠

詩 五言律

廣陵別薛八

一作送友東歸

唐

孟浩然

襄陽

客有不得志棲棲吳楚間廣陵相遇罷彭蠡泛舟還檣
出江中樹波連海上山風帆明日遠何處更追攀

廣陵贈別

李白

玉瓶沽美酒數里送君還繫馬垂楊下銜盃大道間天
邊看淶水海上見青山興罷各分袂何須醉別顏

客廣陵

王昌齡

少伯江寧

樓頭廣陵近九月在南徐秋色明海縣寒煙生里閭夜
帆歸楚客昨日渡江書爲問易名叟垂綸不見魚

揚州偶會前洛陽盧耿主簿

應物頃貳洛陽常有連騎之遊

韋應物

楚塞故人稀相逢本不期猶存袖裏字忽怪鬢中絲客
舍盈樽酒江行滿篋詩更能連騎出還似洛橋時

泊揚子江岸

盧

綸

允言河中

山映南徐暮千帆入古津魚驚出浦火月照度江人清
鏡悲雙鬢滄浪寄一身空憐芳草色長接故園春

揚州雨中張十七宅觀妓

張謂正言河南

夜色帶寒烟燈花拂更然殘粧添石黛豔舞落金鈿掩
笑須欹扇迎歌乍動弦不知巫峽雨何事海西邊

廣陵送林宰

李嘉祐從一趙州

清政過前哲香名達至尊明通漢家籍重識府公恩春
景生雲物風潮歛雪痕長吟策羸馬青楚入關門

廣陵別鄭處士

高適達夫海蓀

落日知分手春風莫斷腸興來無不愜才在亦何傷溪
水堪垂釣江田耐插秧人生只爲此亦足傲羲皇

途次維揚望京口寄白下諸公 蔣渙

長興

北望情何限南行路轉深晚帆低荻葉寒日下楓林雲
白蘭陵渚煙青建業岑江天秋向盡無處不傷心

和裴端公樞蕪城秋夕簡遠近親知

竇常中行

歲積登朝戀秋加陋巷貧宿醒因夜歇佳句得愁新盡
日憑幽几何時上軟輪漢廷風憲在應念匪躬人

曉發瓜洲

李端正巳趙郡

曉發悲行客停橈獨未前寒江半有月野戍漸無煙棹
唱臨高岸鴻嘶發遠田誰知避徒御對酒一潸然

九日廣陵同陳十五先輩登高懷林十二先輩

客路重陽日登高寄上樓風煙今令節臺閣古雄州泛菊聊斟酒持萸嬾插頭情人共惆悵良久不同遊

歐陽詹 行周晉江

揚州

杜牧 牧之京兆

煬帝雷塘土迷藏有舊樓誰家唱水調明月滿揚州駿馬宜間出千金好暗游喧闐醉年少半脫紫茸裘

秋風放螢苑春草鬪雞臺金絡擎鵬去鑿環拾翠來蜀船紅錦重越橐水沉堆處處皆華表淮王奈却回

揚州春詞

姚合 碛石

廣陵寒食天無霧復無煙煖日凝花柳春風散管弦園

林多是宅車馬少於船莫喚遊人住遊人困不眠

廣陵道中

許渾 用晦丹陽

城勢已坡陀城邊東逝波綠桑非苑樹青草是宮莎山暝牛羊少水寒鳧雁多因高一回首還詠黍離歌

廣陵寒食夜

李中 有中隴西

廣陵寒食夜豪貴足佳期紫陌人歸後紅樓月上時綺羅香未歇絲竹韻猶遲明日踏青興輸他輕薄兒

寒食

宋王禹偁

寒食江都郡青旗賣楚醪樓臺藏綠柳籬落露紅桃妓女穿輕屐笙歌泛小舸使君慵不出愁坐讀離騷

次鮮于子駿瓜洲韻

蘇轍子由眉山

天高山近海春盡水生池禾黍多新恨川原自昔時
花存故苑麗樵出舊城隳莫望瓜洲渡曾經駐佛狸

揚州

米芾元章太原

東風何索寞帶雪入揚州尙想遺釵雀重觀上玉鈎
真同一夢覺空憶十年遊邂逅逢孫楚酣歌慰滯留

登揚州城北門予昔侍親寓居此城下驛舍十

八年矣愴然感動

劉敞原父袁州

昔釣城下水今來十八年居人能幾在里巷獨依然
手種成喬木躬耕有廢田悲歌顧千騎不覺涕淪漣

廣陵

借韻戲用文潛體

呂本中

往來六十里各是一江郊柳色團渦岸春風楊子橋
好山當斷岸野鳥度空巢一任雷塘路暮天風雨號

維揚客舍

劉克莊潛夫莆田

久作揚州客愁來未易禁頗知邊地事愈動故園心
花譜猶堪續橋名不可尋却疑張祜葦泉下有新吟

揚州

明汪廣洋朝宗高郵

憶昔曾遊地於今有幾家濕雲纏戍鼓高柳聚城鴉
元鶴去無迹綠蕪愁更賒盈盈江上月何處照瓊花

瓜洲夜泊

錢宰子子會稽

旅夜瓜洲泊秋懷浩欲沈星河與海合江漢入吳深天
塹無南北川流自古今隔花漁唱起千里故園心

晚過揚州

劉溥原博長洲

長河懸落照短棹尙孤征衰柳愁邊斷殘霞雨外明人
喧揚子渡鐘動廣陵城漸去鄉關遠凄然倍旅情

廣陵晚發

張時徹惟靜鄞縣

征夫逐草露夜夜月中眠霧擁清猿嘯風吹白鴈旋有
江能繪樹無路不生烟旭日秋光淡芙蓉亦可憐

泊維揚

皇甫汈子循長洲

地是南來域江分北望賒空餘前代宇不放昔年花物

色圖丹壁春風想翠華誰憐歌舞處日暮有啼鴉

出揚子橋喜見江南山色

郭第次甫長洲

小艇淮南道經過無限情可憐揚子渡不見海潮生水

斷瓜洲驛江連北固城漲沙三十里樹杪亂山橫

揚州感興

金鑾在衡隴西

迢遞古揚州重來異昔遊春風吹酒幔日暮上歌樓夢
覺翻疑雨愁多不待秋翩翩征鴈起依舊向沙頭

瓜洲風雨不克渡江

徐階子升華亭

未遂歸來願空驚歲月奔布帆三日雨茅屋數家村山
氣遙連海江聲近在門無緣得飛渡東望欲消魂

邵伯湖夕泊

于慎行無垢東阿

日暮倚蘭橈秋江正寂寥驛門斜對雨郡郭遠通潮急
櫓看商舶寒燈見市橋隋堤前路近欲聽月中簫

清明日泊楊子江

朱諫君佐永嘉

楊柳夾江青東風潮正平雲間旋蜃市沙際聽鼃更萬
水俱東逝孤舟更北征不知時序改今日是清明

揚州曉泊

袁宏道伯修公安

薄霧隨風盡寒霜對酒銷芋魁騰曉市蟹子落歸潮往
事瓊花觀新溝楊子橋雖然富羅綺未必似前朝

揚州郭外

費經虞仲若新繁

扶杖出門去春郊事盡非棘生馳馬路水沒古人磯巢
毀鶯雛散天寒鶴語稀故鄉畊種早飄泊不能歸

平山堂留別穉恭友沂穆倩

國朝周亮工元亮祥符

直北踪無定淮南路未通寒沙迷古驛濁酒紀春風嶺
客新呼酒吳兒學挽弓臺前人影亂何處盼飛鴻

廣陵贈別袁籜庵

曹溶秋嶽秀水

聯舫邗溝路雲濤興渺然柳無經歲別月似故山圓老
淚霑歌板歸裝儉秫田桓家寒具美一飽足高眠

宜陵

王士徵

向晚宜陵渡孤帆踏暝流千家漁火亂兩岸候蟲秋何

江者鼎志 卷十九
處宮人墓長懷帝子樓客愁兼弔古今夜廣陵舟

發維揚

嚴繩孫孫友無錫

輕舫春流上烟光淨客衣岸知緣海濶山自渡江稀細
路花將盡空村燕不飛浮家吾自可白首共漁磯

九日揚州文星閣登高

鄧漢儀孝威泰州

徑僻人稀到林深菊未荒吾儕尊九日天地老斜陽渺
渺江淮路蕭蕭吳楚鄉但宜傾濁酒無力問滄桑

詩 五言排律

揚州卽事

元 宋 无子虛晉陵

玉壘開方面金湯控上游連營驃騎宅重析鴈行樓彊

弩虛空發飛橋日夜浮烟生烽燧地草死虎狼秋此處
兵威震當時國步憂六年襄郡守三策蓋臣謀大將深
圍陷長江萬里休兩淮先按堵孤注獨橫籌破竹纔乘
勢聞風已置郵乾坤機軸轉海嶽版圖收春變山堂柳
波通汴水鷗平坡南下馬遠渡北來舟無復瓊花夢猶
餘芍藥愁塵埃何豎子還擁黑貂裘

過維揚作

明 皇甫湊子安長洲

念昔恭明祀三秋滯楚鄉今來還上國五月渡維揚戀
土情何極瞻塗意轉長川原歷迢遞烟樹引微茫浴渚
飛鳧下驚沙白鷺翔江隅有芳草幽思獨難忘

登廣陵城臺壬午寓揚州作

國朝李沂艾山興化

城闕凝春望人烟落照中山河仍禹甸草木自王風地
 控江淮阻途兼南朔通菁華騰楚域國俗染隋宮野曠
 羅紈合衢長錦繡充星繁開綺戶鱗次列珠龔柳葉歌
 催放池水酒滴融促絃縈亂蝶悲管咽孤鴻雜沓隨高
 蓋登臨集鉅公因依盟指日擺脫氣凌虹石座珊瑚大
 秦樓翡翠濛王孫金鑿落娼女玉玲瓏選勝朝朝聚留
 歡處處同晴漪浮桂楫煖榭長蘭叢烽警遙傳北星氛
 歛轉東庶司方悄悄諸務頗匆匆競插魚囊箭俱張虎
 鬯弓教場喧閱武太守勉臨戎百雉修墉峻羣龍畫幟

雄軍需供賈客兵仗執兒童細草蕭條綠繁花寂寞紅
 從來佳麗地回首意無窮

次揚州

毛牲

八月隋堤柳三秋楊子波南朝曾作鎮大業舊開河螢
 苑銷花草瓊臺尚綺羅雷塘宮北舞水調竹西歌高旆
 京漕粟長船蜀估嗟重圍如合璧交埂勝連珂京口雲
 生晚淮南木落多蕪城吾有賦騁望意如何

詩七言律

酬樂天揚州初逢席上見贈唐劉禹錫

巴山楚水淒涼地二十三年棄置身懷舊空吟聞篴賦

江者集志 卷十九
到鄉翻似爛柯人沈舟側畔千帆過病樹前頭萬木春
今日聽君歌一曲暫憑杯酒長精神

宿揚州

李

紳公垂
無錫

江橫渡潤烟波晚潮過金陵落葉秋嘹唳塞鴻經楚澤
淺深紅樹見揚州夜橋燈火連星漢水郭帆檣近斗牛
今日市朝風俗變不須開口問迷樓

入揚州郭

潮水舊通揚州郭內大曆已後潮信不通李頎詩
鷓鴣山頭片雨晴揚州郭裏見潮生此可以驗

菊芳沙渚殘花少柳過秋風墜葉疎堤繞門津喧井市

路交村陌混樵漁畏衝生客呼童僕欲指潮痕問里閭
非爲掩身羞白髮自緣多病喜肩輿

揚州看辛夸花

皮日休

襲美
襄陽

臘前千朶亞芳叢細膩偏勝素柰功螾首不言披晚雪
麝臍無主任春風一枝拂地成瑤圃數樹參庭是藥宮
應爲當時天女服至今猶未放全紅

瓜洲留別李詡

許渾

泣玉三年一見君白衣顛顛更離羣楊堤惜別春潮晚
花榭留歡夜漏分孤館宿時風帶雨遠帆歸處水連雲
悲歌曲盡莫重奏心遶關河不忍聞

江都

羅隱 昭諫餘杭

淮王高譙動江都會憶狂生亦坐隅九里樓臺牽翡翠
兩行鴛鴦踏真珠歌聽麗句秦雲咽詩轉新題蜀錦鋪
惆悵晉陽星拆後世間兵革地荒蕪

重九日廣陵道中

秋山抱病何處登前時韋曲今廣陵廣陵大醉不解悶
韋曲舊遊堪拊膚佳節縱饒隨分過流年無奈得人憎
却驅羸馬向前去牢落路岐非所能

過揚州

韋莊 端已京兆

當年人未識兵戈處處青樓夜夜歌花發洞中春日永

月明衣上好風多淮王去後無雞犬煬帝歸來墓綺羅
二十四橋空寂寂綠楊摧折舊官河

將去廣陵別史員外南齋

宋徐鉉 鼎臣江都

家聲曾與金張輩官署今居何宋間起得高齋臨靜曲
種成奇樹學他山鴛鴦終日同醒醉蘿薜常時共往還
賤子今朝獨南去不堪迴首望清閑

芍藥詩

揚州僧舍植數十本牡丹落時繁艷可愛因賦詩三章書於僧壁

王禹偁

牡丹落盡正淒涼紅藥開時醉一場羽客諳傳尸解術
仙家重蕪返魂香蜂尋檀口論前事露濕紅英試曉粧

曾忝掖垣真舊物多情應認紫薇郎

東君留着占殘春得得遲開亦有因曾與掖垣留故事

又來淮海伴詞臣日燒紅艷排千朶風遞清香滿四鄰

更愛綠頭弄金縷異時相對掌絲綸

滿院勻開似赤城帝鄉齊點上元燈感傷綸閣多情客

珍重維揚好事僧酌處酒杯深蘸甲折來花朶細含稜

老郎爲郡辜朝寄除却吟詩百不能

廣陵

蔡襄

君謨
閩中

廣陵歸客歎飛蓬懷古傷離向此中前世翻波那復問
十年彈指已成空樓頭畫角催殘日城上寒鴉噪晚風

井徑蕭條人不見又隨潮信度江東

揚州感舊懷古

王巖叟

彥霖
大名

隱隱蕪城枕碧流繁華曾是帝王州一聲水調滿明月
十里春風半畫樓白鳥不離圖上去江雲長在鑑中遊
廢興屈指千年事何異行人寄傳郵

揚州留一上人

呂本中

日日東風吹客衣小園春在掩芳菲殘花過雨飄零盡
好鳥穿林自在飛往事虛成采薇瘦故人頻有食言肥
知公未厭西行晚且伴江船緩緩歸

見淮東制帥趙南仲侍郎相待厚甚特送買山

錢又欲刊石屏詩置於揚州郡齋話別敘謝

戴復古式之黃巖

如公當向古人求識面何須萬戶侯浪說釣鰲游瀚海
真成騎鶴上揚州受恩多處難為別宿酒醒時始覺秋
回首平山堂下路不堪風雨送歸舟

瓜洲阻風

宋伯仁器之茗川

狂風未許放歸船借得僧房半榻眠落鴈影收帆脚外
怒濤聲到枕頭邊黃蘆葉底秋將老白羽書中病未痊
傳語將軍多得力揚州不比舊家年

趙龍學寄陽羨茶為汲蜀井對瓊花烹之

方岳

三印誰分陽羨茶自煎蜀井淪瓊花數間明月玉川屋
兩腋清風銀漢槎團鳳烹來奴僕等老龍畢竟當行家
相思幾夢山陰雪搜攪平生書五車

揚州

汪元量大有錢唐

重到揚州十載餘畫橋雨過月模糊后皇廟裏花何在
煬帝隄邊柳亦枯陂麥青青嘶亂馬城蕪冉冉落羣鳥
人生聚散愁無盡且小停鞭向酒壚

揚州敘遊

賀鑄方回開封

逃藏九曲屬樵畊野草閒花故有情廢苑春風故如許

隔江山色可憐生新聲度曲復誰道古井酌泉聊獨清
杜紫微靈定相笑青樓薄倖不知名

舟次廣陵懷寄京都交舊

朋遊冠蓋滿京華病客東流迹自賒音驛未聞來日下
鄰牆不見亦天涯尙慙斗粟煩官廩已指扁舟是我家
莫謂因風無可寄雪梅開遍臘前花

興教寺勸農呈史君

徐鹿卿德夫豐城

自從幽雅無傳後漢有龔黃宋有羅夙駕朱轡勤勸相
奉宣黃紙放催科一犁烟雨郊原曉千里春風嶺嶠和
看取便民橋下水滿江濃綠漲恩波

題揚州驛

元薩都刺天錫雁門

銀燭高燒照不眠呼兒飲馬吸清泉寒砧萬戶月如水

塞鴈一聲霜滿天金縷欸歌來枕上銀瓶索酒到亭前

明朝走馬燕山道贏得紅樓說少年鴈門集過廣陵驛一首云秋風江上

芙蓉老階下數株黃菊鮮落葉正飛揚子渡行人又上
廣陵船寒砧萬戶月如水老鴈一聲霜滿天自笑棲遲

淮海客十年
心事一燈前

中秋廣陵對月

張翥仲舉晉寧

散盡浮雲月在東白蕉衫冷小庭空星河夜影尊罍裏
城郭秋聲鼓角中落葉有光時墜露鳴蛩無響不含風
此生五十三回見只遣嫦娥笑禿翁

憶廣陵舊事

君王昔在鎮南年賓客風流日滿筵上國旌旗分一半
層臺歌舞宿三千豪華遽盡悲離黍形勝空存慘莫煙
多少楚魂歸未得江流無際海連天

過揚州

劉秩 伯序 豐城

廣陵不見舊風烟楚客登臨思惘然水落魚蝦常滿市
湖多蓮芡不論錢干戈滿地懷今日歌舞連天記昔年
獨有長橋秋夜月照人猶自弄嬋娟

揚州

成廷珪 原常 寶應

老夫住近山陰曲萬竹中間一草堂開徑不曾防俗客

讀書恰是得清涼好風時時動環佩明月翩翩來鳳凰
正與君家軒子似可能携酒共尙羊

舟次邵伯有懷徐幼文

明楊基 孟載 嘉州

文章小技耻雕蟲也逐群才赴洛中多病不宜秋色裏
相思只在暮江東鷄豚籬落茅茨雨鳧鴨池塘菡萏風
欲買一樽澆寂寞傷心不與故人同

過揚州

王冕 元章 諸暨

東南重鎮是揚州分野星辰近斗牛人物漸分南北異
江淮不改古今流璫花香委神仙佩楊柳風閑帝子舟
十里珠簾晴不下銀鬕翠管滿紅樓

廣陵懷舊

汪廣洋

官柳陰陰鎖汴橋暖催晴綠上蘭橈花迎后土依然在
人去東風不可招紫陌漸稀春試馬青樓殊絕夜吹簫
回看烽火連雲起應使江淹歎寂寥

過揚州

李質 文彬 德慶

三十年前記此過皆春樓下駐行窩十千一斗金盤露
二八雙鬟玉樹歌自昔瓊花祠后土至今荆棘卧銅駝
江都門外王孫草怨入東風綠更多

抵瓜洲

唐肅 處敬 會稽

春雨春潮撼客懷舟中十日九陰霾江名天塹元通蜀

地入瓜洲始接淮我笑銀杯能羽化君看寶劔或塵薶
明朝又過揚州去無復瓊花舊觀碑

廣陵雜興

袁華 子英 崑山

十年不到廣陵城依舊璫芳弄晚晴繡被土甃于闐寺
寶裝刀劔鎮南營樓飄簫鼓雲中響地接煙花日外明
小杜風流今寂寞誰攜紅袖按新聲

長江天險隔南徐千古英雄恨有餘玉樹歌殘龍虎地
錦帆船下斗牛墟柳迷竹浦寒鴉聚水漫雷塘野老漁
欲弔文章賢太守山堂零落昔年書

維揚懷古

胡儼 若思 南昌

維揚自昔盛繁華香靄彤樓映曉霞野店停舟詢往事
水亭吹笛是誰家行人尚說金盤露仙子空遺玉樹花
二十四橋明月在垂楊幾樹照棲鴉

過揚州

史謹
公謹
崑山

長空開霽晚霞明蓬底淮山隔岸青鴉散黑雲為陣勢
楓飄紅雨作秋聲蕃釐玉樹應無種東閣官梅尚有名
惆悵牧之招不得與誰同醉竹西亭

過楊子江

王鏊
濟之
蘄州

燕南倦客江東去一見澄江眼為開紅日遠疑從地起
青山近欲傍人來中流擊楫空懷志南國持衡獨愧才

漸覺故鄉風物近十年一到思悠哉

寓揚州

朱士稚
伯虎
山陰

淹留車騎引杯看獨上高樓愁未闌千里鄉關聞過鴈
萬家風雪醉憑欄天涯客子依人苦江上梅花倒地殘
莫道春來動南北故人尺素遠長安

渡楊子江寄吳氏伯仲

王穉登
百穀
長洲

烟中流水曉潺潺楊子津頭雨一灣沾袖成斑皆客淚
隔江如黛是家山欲探子母羞錢篋未卜雌雄泣劍環
寄語吳郎三玉樹莫因裘敝笑人還

過揚州

宗臣
子相
興化

江者集志 卷一
湖上行吟落日邊高秋蕭索倍凄然蕪城舊識參軍賦
玉樹空傳帝子篇隋苑雲殘楊柳色邗江夜斷荻蘆烟
可憐白舫青蓑者尚有漁歌似昔年

清明揚州道中憶王端公

朱曰藩 子价寶應

江花江草淨春烟北望空懷乘興船水國人家種楊柳
清明士女競鞦韆客厨未乞龍蛇火旅食頻催犬馬年
遙想風流王柱史西臺銀燭柘枝顛

秋晚登廣陵城

歐大任

西風淮水下邗溝何處關山獨倚樓賦後蕪城荒井逕
書來瓜渚斷江流青天寒色干砧夕滄海潮聲萬弩秋

滿目蒼蒼見平楚不知歌吹在揚州

揚州

侯 泓 研德嘉定

五月江城江水深蕪城斜日獨披襟關河輪輓交南北
樓閣烟花自古今佳節未移鄉國興薄游還媿故人心
十年蔓草梅花嶺手把蒲葵淚不禁

廣陵別景升小修

袁宏道

搔頭幾日見新絲二月河橋上馬時長短官街驚夢鼓
高低楊柳罨長枝江烟一擔充行李流水三义多路岐
北地南天千萬里青巾白袷幾人知

十六夜登瓜洲城看月懷舊寄所親

程嘉燧

孟陽休寧

十年曾宿焦山寺浪急天寒少客行明日片帆仍遠道
一時雙眼復孤城暮山欲盡離尊歇黃葉全稀白髮生
別後故人無限意隔江同見月初盈

揚州方季康館同張伯美諸人惜別

別路江南已數程清樽細雨復江城殘魂如夢聞鶯斷
舊恨隨潮立馬生皈佛一心憐伴在驅人十口悔身輕
臨岐共有沾衣淚却使衰羸暗撫纓

廣陵別友

葉向高

臺山福清

浮生底事最堪愁畏路馳驅易白頭兩度相逢重九日

一經離別又三秋菊當有酒花偏媚身到無官夢亦休
後會登高何處是年年回首憶邗溝

題廣陵菽園

錢謙益

受之常熟

架構平臨邗水涯隋堤迎却俯塵沙南塘路識將軍第
東閣梅如水部衙十里珠簾叢腐草二分明月冷梅花
輕軒奉母承平事會有新詩補白華

十月朔日抵廣陵

隋苑荒臺葉不飛竹西歌吹正依稀流螢尙作蕪城夢
跨鶴真同華表歸舊事月明空在眼新愁水調欲沾衣
箴籬灣畔孤墳在萬點寒鴉送落暉

故人顧所建墓在箴籬灣

同陳百善諸子竹西舟泛作

梁以樟

公狄清苑

寒城烟雨濕棠梨舊事風流話竹西
香草夢携三楚句黃墟人換六朝題
耳邊棊墅過王謝林下琴厨笑阮嵇
斜日酒醒誰喚得一聲江月落銅鞮

揚州

國朝

吳偉業

梅村太倉

叠鼓鳴笳發棹謳榜人高唱廣陵秋
官河楊柳誰新種御苑鶯花豈舊游
十載西風空白骨廿橋明月自朱樓
南州枉作迎鑾鎮難博雷塘土一邱

撥盡琵琶馬上絃玉鈎斜畔泣嬋娟
紫駝人去瓊花院青塚魂歸錦纜船
荳蔻梢頭春十二茱萸灣口路三千

隋堤璧月珠簾夢小杜曾游記昔年

廣陵感懷

龔鼎孳

芝麓合肥

落日櫓搖蓬鬢客蕪城秋老菊花時
鴈迴玉塞知鄉路草接銅駝上遠陂
南國旌旗潮外隱錦帆簫管月中悲
天高風急仍鉦鼓岐路徘徊安所之

蕪城中秋念舍弟峻公

周亮工

却聽長年停棹語今年佳節在蕪城
江邊秋月無雙色客裏歸鴻第一聲
靜夜扣舷他日淚深卮俛首故園情
不知時序何由變忍使燈前念弟兄

留別揚州

林古度

茂之福清

不到揚州五十年繁華逝水倍凄然來尋朱戶多移主
歸貫青山不費錢三伏薰風憐潦倒二分明月惜周旋
何能老我重相訪再酌棲靈第五泉

揚州九日同姜如農王西樵程穆倩登高

宋 琬 荔裳萊陽

塞鴻猶未到蕪城載酒登樓雨乍晴山色淺深隨夕照
江流日夜變秋聲上方鐘磬疎林滿十里笙歌畫舫明
空負黃花羞短鬢寒衣三澣客心驚

詩 五言絕句

揚州懷古

唐 李 益 君虞姑藏

故國歌鐘地長橋車馬塵彭城閣邊柳偏似不勝春

揚州早鴈

江上三千鴈年年過故宮可憐江上月偏照斷根蓬

揚州寄諸子

裴夸直 禮卿河東

十里隔烟波孤舟宿何處遙思耿不眠淮南夜風雨

揚子途中

柳 談 中庸京兆

楚塞望蒼然寒林古戍邊秋風人渡水落日鴈飛天

揚州廣城店

明 張以寧 志道古田

潮落邗江夜先將夢到家揚州無賴月獨自照瓊花

和冒辟疆揚州燈船曲

徐 穎 巢友

縷金籠蠟焰剪雪作花篝廿四橋邊酒非關明月留
荷風吹月香星河忽搖動水變隴頭聲曲愛江頭弄

茱萸灣懷家兄

國朝王士徵

雨歇茱萸灣返照村墟夕淮水去悠悠何處還山客

詩 七言絕句

揚州尋張籍不見

唐王建 仲初 穎川

別後知君在楚城揚州寺裏覓君名西江水濶吳山遠
却打船頭向北行

夜看揚州市

夜市千燈照碧雲高樓紅袖客紛紛如今不似承平日

猶自笙歌徹曉聞

瓜洲驛重送梁郎中赴吉州

劉長卿 文房 河間

渺渺雲山去幾重依依獨聽廣陵鐘明朝借問南來客
五馬雙旌何處逢

廣陵秋夜對月卽事

陳羽 江東

霜落寒空月上樓月中歌吹滿揚州相看醉舞倡樓月
不覺隋家陵樹秋

九日廣陵登高懷邵二先輩

歐陽詹

簪萸泛菊俯平阡飲過三杯却惘然十歲此辰同醉友
登高各處已三年

廣陵宴次戲簡幕賓

高駢千里

一曲狂歌酒百分蛾眉畫出月爭新將軍醉罷無餘事
亂把花枝折贈人

瓜洲夜泊

高蟾河朔

偶為芳草無情客况是青山有事身一夕孤洲渡頭宿
天風吹盡廣陵塵

宿揚州

宋蔡襄

瓜洲堰埭阻行橈更等江頭後信潮獨背殘燈數歸路
風傳寒柝夜迢迢

登揚州北門

梅堯臣

樓上山如澹墨畫城中水似輕藍接揚州今似刀州景
似聽中和樂職歌

入瓜步望揚州

王安石

落日平林一水邊蕪城掩映祇蒼然白頭追想當年事
幕府青衫最少年

廣陵早春

黃庭堅魯直豫章

春風十里珠簾捲髣髴三生杜牧之紅葉梢頭初蠶栗
揚州風動鬢成絲

往歲過廣陵值早春嘗作詩今春有自淮南來
者道揚州事戲以前韻寄王定國

淮南二十四橋月馬上時時夢見之想得揚州醉年少
正圍紅袖寫烏絲

廣陵道中寒食日

呂本中

風雨屬連春事休碧鱗三尺薦行舟短牆不見桃花面
付與長江自在流

南來消息不真傳政恐相逢却未然何處青帘足沽酒
粥香餲白是今年

發邵伯埭二首

柳外鶉鳩相應鳴屋頭新月半輪生知公未便爲官去
且放扁舟自在行

曉日烘窓不得眠夾河高柳亂鳴蟬西風種種入愁思
更有長亭十里船

還自廣陵四首

秦觀

薄茶便當烏程酒短艇聊充下澤車墳墓去家無百里
往來仍不廢觀書

南北悠悠三十年謝公遺埭故依然欲論舊事無人共
卧聽鐘魚古寺邊

邗溝繚繞上雲空坐阻層冰不得通賴有東風可人意
爲開明鏡玉奩中

天寒水鳥自相依十百爲羣戲落暉過盡行人都不起

忽聞水響一齊飛

出城三首

視邵伯
埭新堤

晁無咎

桃欲呈紅柳弄陰
麥田青已沒
鞦深春堤細
雨籃輿濕
婆餅焦聲在竹林

故國龍舟休水調
高城雉堞尙雲間
蜀岡朝雨如輕霧
不見春江草外山

堆案文書無了畢
竝堤船舫且縈回
非關董役年年事
自爲春郊得得來

揚州雜詠

船商不入古鹽溝
疏鑿纔爭土一杯
未說興圩灌田事

且還歌吹舊揚州

雷陂新作麥田荒
曾說風興沒兩郎
誰似當年李刺史
春波還引句城塘

欲穿九曲通淮子
只費春夫數日工
但見荷花三十里
何須更有大雷宮

蜀岡茶味圖經說
不貢春芽向十年
未惜青青藏馬鬣
可能辜負大明泉

維揚卽事

張蘊

牛斗星邊禹貢州
東南屏蔽大江流
向來明月珠簾夢
不信秋風夜柝愁

皂角林前野地寬新塘路口草泥乾天乎如此功名事
成敗觀人自昔難

月明城上韻邊笳一枕三更夢到家不耐楚氛真僻性
賦詩酌酒與瓊花

離維揚

宋伯仁

不為鱸魚憶故鄉只緣心事近重陽髮絲添得三分白
空被黃花笑一場

揚州

羅公升 滄洲

瓊姬羽化歸天去花后香銷掃地空要覓揚州舊風物
夕陽禪智立秋風

至揚州

文天祥 文山吉安

北廟何神三十郎問郎行客忒郎當荒堦枕藉無人問
風露滿堂清夜長

樵夫偏念客途長肯向城中為裹糧曉指高沙移處泊
司徒廟下買家莊

楊子

郝經 仲常燕山

楊子江邊不見江江聲隨雨入寒牕憑誰載酒尋蘇二
赤壁磯頭白鳥雙

離揚州

元范 曄 亭父清江

孤篷如磨遶汀沙葉滿平湖藕未花回首竹西亭漸遠

一江煙雨酒旗斜

維揚春暮

白雲上人英

實存錢塘

煙籠柳影老鷺啼雨濕芹香乳燕飛二十四橋春又盡

江南詞客正思歸

揚州客舍

余闕

廷心武威

船頭澆酒祀神龍手擲金錢撒水中百尺樓船雙夾櫓

唱歌齊上呂梁洪

揚州

吳師道

正傳蘭谿

畫鼓清簫估客舟朱竿翠幔酒家樓城西高屋如鱗起

依舊淮南第一州

揚州長橋

蘇大年

綠陰高樹映清潭一舸夸猶酒半酣最愛西城城下路

長橋煙雨似江南

揚州逢李十二衍

明袁凱

與子相逢俱少年東吳城郭酒如川如今白髮知多少

風雨揚州共被眠

最憶東家水調聲花前檀板雜流鶯此時我醉君猶醒

舞到梧桐白露生

揚州僧舍見花有感

徐賁

幼文長洲

風遞穠香到水涯幾株桃李映門斜侯家園圃多荒廢

不是僧房不見花

揚州

王

禕

子充金華

春滿揚州廿四橋何人騎鶴聽吹簫瓊花芍藥猶閑事

且訪平山舊柳條

揚州二絕句

程本立

吳隱桐鄉

遠水踈星影動搖西風落木景蕭條傷心一片船頭月

猶照揚州廿四橋

揚州城下是官河春雨春風自綠波欲問繁華舊時事

太平遺老已無多

過揚州

孫

蕢

仲衍南海

江上垂楊覆白蘋斜陽啼鳥斷吟魂朱樓翠箔今何在

一帶寒城鎖暮雲

隋堤懷古

沈

章

宗玉嘉興

邗溝新碧晚濤平楊柳曾遮殿脚行誰道雷塘歌吹歇

月明重按玉簫聲

瓜洲渡江

吳與弼

子傳崇仁

壩上停篙轉柁樓江邊解纜別真州滿懷秋思無心寫

獨看岷峨萬古流

廣陵夜泊

顧

亮

寅仲長洲

風風雨雨暗江津愁裏青燈照一身夜半忽聞江上櫓

往來還有未歸人

廣陵春游曲

國朝 王士祿 西樵新城

紅樓空復玉人簫舊跡銷沉廿四橋殘醉臨風獨悵悵

遠春無際水迢迢

寶城北是上雷塘細草青青墓跡荒莫笑錦帆隋煬帝

李花楊葉兩茫茫

冶春絕句

同林茂之前輩杜于皇孫豹人張祖望程穆倩孫無言許力臣師六修禊紅橋

酒間賦
冶春詩

王士徵

今年東風太狡獪弄晴作雨遣春來江梅一夜落紅雪
便有天桃無數開

野外桃花紅近人穠華簇簇照青春一株低亞隋皇墓
且可當盃酒入脣

紅橋飛跨水當中一字闌干九曲紅日午畫船橋下過
衣香人影太匆匆

三月韶光畫不成尋春步履可憐生青蕪不見隋宮殿
一種垂楊萬古情

髯公三過平山下白髮門生感故知欲覓醉翁呼不起
碧虛樓閣草離離

東風花事到江城早有人家喚賣餚他日相思忘不得
平山堂下五清明

坐上同矜作達名留犁風動酒鱗生江南無限青山好
便與諸君荷鋪行

和王阮亭揚州冶春絕句

陳維崧

其年宜興

一帶蕪城織野烟三春沙渚亂寒田傷心錯到平山路
不獨江南事可憐

文選樓空畫壁虛行人弔古日躊躇六朝流水千春夢
多事官家好著書

廣陵竹枝詞

李國宋

大村興化

吳溝遙接汴河開江上春潮日日迴夜半槳聲聽不住
南船纔過北船來

蕪城墩下唱歌來舴艋輕舠暗檣催家在茱萸灣裏住
五更月落打魚回

髻子三山高又低廣陵城下水東西紅橋落日人爭渡
莎草茸茸襯馬蹄

廣陵秋詞

王熹儒

歙州興化

劫火摧殘事已遙至今明月憶吹簫秋來夜夜霜如霰
白草寒烟廿四橋

驚沙獵獵起秋風蜀道蒼茫萬里通射落雲中兩飛鴈
桃花馬上整雕弓

詩餘

河傳 第六體

唐 韋 莊

何處烟雨隋堤春暮柳色葱蘢畫橈金縷翠旗高颭香
風水光融 青蛾殿脚春粧媚輕雲裏綽約司花妓江
都宮闕清淮月映迷樓古今愁

柳含烟 第二體

五代 毛文錫

隋堤柳汴河春夾岸綠陰千里龍舟鳳舸木蘭香錦帆
張 因夢江南春景好一路流蘇羽葆笙歌未盡起橫
流鎖春愁

浣溪沙 揚州賞芍
藥櫻桃

宋 蘇 軾

芍藥櫻桃兩鬪新名園高會送芳辰洛陽初夏廣陵春

紅玉半開菩薩面丹砂穠點柳枝脣尊前還有箇中
人

虞美人 與秦少游
維揚飲別

波聲拍枕長淮曉隙月窺人小無情汴水自東流只載
一船離恨向西州 竹溪花浦曾同醉酒味多於淚誰
教風鑑在塵埃醞造一場煩惱送人來

臨江仙 夜到揚州
席上作

尊酒何人懷李白草堂遙指江東珠簾十里捲香風花
開花又謝離恨幾千重 輕舸渡江連夜到一時驚笑
衰容語音猶自帶吳儂夜闌相對處依舊夢魂中

夢揚州

本意

秦觀

晚雲收正柳塘烟雨初休燕子未歸惻惻輕寒如秋小
 欄外東風軟透繡幃花密香稠江南遠人何處鷓鴣啼
 破春愁 長記曾陪燕遊酬妙舞清歌麗錦纏頭帶酒
 困花十載因誰淹留醉鞭拂面歸來晚望翠樓簾捲金
 鈎佳會阻離情正亂頻夢揚州

望海潮

廣陵懷古

星分牛斗疆連淮海揚州萬井提封花發路香鶯啼人
 起珠簾十里春風豪俊氣如虹曳照春金紫飛蓋相從
 巷入垂楊畫橋南北翠烟中 追思故國繁雄有迷樓

挂斗月觀橫空紋錦製帆明珠濺雨寧論雀馬魚龍往
 事逐孤鴻但亂雲流水縈帶離宮最好揮毫萬字一飲
 拚千鍾

水調歌頭

舟次揚州和楊濟翁周顯先韻

辛棄疾

幼安歷城

落日塞塵起邊馬獵清秋漢家組練十萬列艦聳層樓
 誰道投鞭飛渡憶昔鳴鏑血汚風雨佛狸愁季子正年
 少匹馬黑貂裘 今老矣搔白首過揚州倦游欲去江
 上手種橘千頭二客東南名勝萬卷詩書事業嘗試與
 君謀莫射南山虎直覓富民侯

沁園春

維揚作

劉克莊

江都縣志 卷一
遼鶴重來不見繁華只見凋殘甚都無人誦何郎詩句
也無人報書記平安閭里俱非江山畧是縱有高樓莫
倚闌沉吟處但螢飛草際鴈起蘆間 不辭露宿風餐
怕萬里歸來雙鬢斑算這邊贏得黑貂裘弊那邊輸了
翡翠衾寒檄草流傳吟牋倚閣開到瓊花亦懶看君記
取向中州差樂塞地無歡

太平時

賀鑄

秋盡江南葉未凋晚雲高青山隱隱水迢迢接亭臯
二十四橋明月夜弭蘭橈玉人何處教吹簫可憐宵

朝中措

維揚感懷

曾

覲純夫

雕車南陌碾香塵一夢尙如新回首舊遊何在柳烟花
霧迷春 如今霜鬢愁停短棹懶傍清樽二十四橋風
月尋思只有消魂

菩薩蠻

廣陵盛事

蔡

伸

仲道
莆田

水光山影浮空碧柳絲搖曳春無力柳岸繫行舟吹簫
憶舊遊 舊遊堪更憶望斷迷南北千古恨悠悠長江
空自流

踏莎行

與莫兩山談
邗城舊事

周

密

草臆
弁易

遠草情鍾孤花韵勝一樓聳翠生秋暝十年二十四橋
春轉頭明月簫聲冷 賦藥才高題瓊語俊蒸香壓酒

江都縣志 卷十九
芙蓉頂景留人去怕思量桂窓風露秋眠醒

八聲甘州

竹西懷古

趙希邁

寒雲飛萬里一番秋一番攪離懷向隋堤躍馬前時柳
色今度蒿萊錦纜殘香在否枉被白鷗猜千古揚州夢
一覺庭槐 歌吹竹西難問拚菊邊醉着吟寄天涯任
紅樓踪跡茅屋染蒼苔幾傷心橋東片月趁夜潮流恨
入秦淮潮回處引西風恨又渡江來

風入松

廣陵元夜病中有感

元張翥

東風巷陌暮寒驕燈火鬧河橋勝遊憶徧錢塘夜青鸞
遠信斷難招蕙草情隨雪盡梨花夢與雲銷 客懷先

自病無聊綠酒負金焦下帷獨擁香篝睡春城外玉漏
聲遙可惜滿街明月更無人為吹簫

菩薩蠻

除夕阮亭廣陵署中守歲

國朝彭孫適 美門

時序關心殘臘盡同雲劈雨寒猶緊小暖逼爐烟江春
入舊年 芳柑傳綺席好事過除夕香雪動園梅春回
人未回

望江南

廣陵早秋客懷

彭桂

江都恨舊事說隋朝錦纜紅穿花殿脚羅裙綠剪柳宮
腰齊上月明橋 今荒塚塵土鈿香銷螢苑風涼山火
細龍舟潮落弩臺高不見杏娘簫

江都縣志 卷十九
家鄉迥極目暮雲高葵扇桃笙秋好院銀雲玉雨客清
宵離緒柳千條 擗痛飲十斛醉葡萄少女風從前浦
度美人虹向隔江消殘月夢紅橋

論曰江都文藝蓋發源於漢而史稱吳招致賓客
枚乘鄒陽嚴夫子之徒興於文景之間乃實爲西
京濫觴焉旣而董相來遊都人士益知經學其見
於漢魏晉書如劉瑜張紘劉頌華譚戴邈高高諸
人賡續遺韵雖傳者無多已爛然爲史策光矣南
北朝而後作者浸繁唐宋之世遂號極盛而地爲
都會四方遊宦復多撰著由元明到今則盡張壯

武之車固不足以載之今志於各條下旣掇一二
以類相附其他名篇或無所附著爲四方傳誦又
信有關於風教者別爲藝文志之然亦百存二三
未能該載則以限於體例勢不容多故也嗟乎古
今代嬗恃有文章帙中所具正復無幾而按其姓
氏強半皆名世偉人展玩之下其亦足令人感發
而興起歟

江者縣志 卷二十一
興在此足下與子布在彼所謂小巫見大巫神氣盡矣

吳書

晉潘京廣陵人有理鑿名知人戴淵父昌爲會稽太守
淵往武陵省父昌乃遣淵就京與語京稱淵有公輔之
才後果爲晉大臣

晉書

太康中滎陽鄭襲爲廣陵太守門下騶忽如狂奄失其
所在經日尋得裸身呼吟膚血淋漓問其故云社公令
其作虎以斑皮衣之辭以執鞭之士不堪虺躍神怒還
使剝皮皮已着肉瘡毀慘痛旬日乃差

劉敬叔異苑

上黨侯亮之於江都城下獲一石磨下有銅馬

異苑

太和中廣陵人楊生養狗甚憐愛之行止與俱後生飲
酒醉行經大澤草中眠不能動時冬月有野火起風猛
狗周草號喚生醉不覺前有一坑水狗卽往眠水中還
以身壓生左右草沾濕着地火尋過去生方醒他日又
暗行墮空井中犬呻吟徹曉須臾有人經過怪狗向井
號往視見生曰以狗與我便相出狗因下頭目井生許
之乃得出繫狗而去後五日狗夜走還

搜神後記

宋長沙王道憐子義慶任廣陵卧疾食次忽有白虹入
室就飲其粥義慶擲器於階遂作風雨聲振於庭戶良
久不見

異苑

齊高帝蕭道成在淮陰荀伯玉假還廣陵夢上廣陵城南樓上有二青衣小兒語伯玉曰草中肅九五相追逐伯玉視城下人頭皆有草泰始七年又夢高帝乘船在廣陵北渚兩腋下有翅不舒伯玉問曰何當舒帝曰却後三年伯玉夢中自謂是呪師凡六唾呪之有六龍出兩腋下翅皆舒還復歛宋元徽二年而道成破桂陽威名大震五年而廢爲蒼梧謂伯玉曰卿夢今且效矣

南史

高爽廣陵人博學多才齊永明中舉孝廉先是劉蒨爲晉陵令爽詣蒨不相接爽甚銜之俄而爽代蒨爲令蒨

迎贈甚厚爽受餽荅書人問其故荅曰彼自餉晉陵令耳何關爽事

姓譜

北齊天保中辛術破侯景移鎮廣陵獲傳國璽送鄴文襄以璽告於太廟此璽卽秦所制方四寸上紐交盤龍其文曰受命於天旣壽永昌二漢相傳又歷晉魏懷帝敗沒於劉聰聰敗沒於石氏石氏敗晉永和中濮陽太守戴僧施得之遣督護何融送於建業歷宋齊梁梁敗侯景得之景敗侍中趙思賢以璽投景南兗州刺史郭元建送於術故術以進焉

北史

唐上官昭容名婉兒西臺侍郎儀之孫父庭芝與儀死

母鄭氏填宮遺腹生昭容其母將誕之夕夢人與秤曰持之秤量天下鄭氏冀其男也及生昭容母視之曰秤量天下豈汝耶輒啞然應天后朝每對宰相令昭容卧於案裊下記所奏事一日宰相對事昭容竊視上覺退朝怒甚取甲刀割於面上不許拔昭容遽爲拔刀子詩後爲花子以掩痕也中宗時每侍帝草制誥以故追贈儀爲中書令泰州都督楚國公庭芝黃門侍郎天水郡公仍令以禮改葬昭容有集三十卷元宗取其詩集之令張說爲序

段路北戶錄

開元十八年正月望日帝謂葉天師曰今夕何處最麗

對曰廣陵帝曰何術以觀之師曰可俄而虹橋起殿前板閣架虛欄楯若畫帝步而上太真高力士及樂官數人從行步步漸高頃到廣陵寺觀陳設之盛燈火之光照灼基殿士女鮮麗皆仰面曰仙人現於五色雲中帝大悅敕伶官奏霓裳羽衣一曲後數日廣陵果奏云

怪錄

天寶中揚州鑄水心鏡清瑩耀日背有蟠龍先有老人自稱龍護有小童曰元冥至鑄鏡所曰老人解造真龍令元冥入鑪所扃戶三日開戶失龍護元冥所在鑪前得素書一紙小隸云鏡龍長三尺四寸五分法三才象

四時稟五行縱橫九寸類九州鼻如明月珠開元皇帝
聖通神靈吾遂降祉可以辟百邪鑿萬物歌曰盤龍盤
龍隱於鏡中分野有象變化無窮乃移鑪置船以五月
五日揚子江心鑄之風景清謐江水忽高三十尺如雪
山浮於江聞龍吟如笙簧之聲鏡進於朝入內庫七年
大旱不雨葉法善以爲畫龍一處似龍便有靈閱庫得
鏡曰鏡龍真也祠之凝陰殿梁棟間有白氣下龍鏡鼻
有白氣上須臾滿殿甘雨大至

寶祐志

蘭陵蕭穎士揚州功曹秩滿南游行侶共濟瓜洲舟中
有二少年相顧曰此人甚肖鄱陽忠烈王也穎士是鄱

陽曾孫卽自歛陳二子曰吾識爾祖久矣及岸二子負
擔而去穎士北歸止於盱眙吏獲發冢盜五六人江中
二少年亦在內穎士以前說詢之曰我嘗開鄱陽王冢
當門貴人顏色如生姿狀正與子相類此與吳綱似吳

芮事頗同

李石續博物志

王播少貧賤居揚州無人知識惟一軍將接引供給其
乏杜僕射亞在淮南端午日盛爲競渡戲綵樓看棚照
耀江水揚州之客無賢不肖盡預焉惟不招王播播惆
悵軍將曰某有棚子弟悉在八郎但於棚內看却勝居
盤筵間播曰唯至棚中軍將送酒一榼播方憤懣就坐

卽睡夢身在宴處居杜之上判官在下多於杜公近半
良久驚覺亦不敢言於人後穆宗時爲宰相除淮南兼
鹽鐵使勅久未下播召舊從事語之曰某淮南鹽鐵定
矣當時夢中判官數多一半卽此兼鹽鐵從事也數日
果除到後偶臨江宴會賓介皆在播覺如已至者思之
乃昔年夢中風景氣候無不皆同時五月上旬也寶祐志
大司徒杜公在維揚嘗召賓幕閑語我致政之後必買
一小駟八九千者飽食訖爲跨之着一粗布襴衫入市
看盤鈴傀儡足矣司徒深旨不在傀儡蓋居危地欲自
污耳後致仕果行前志諫官上疏言三公不合入市公

曰吾計中矣

劉賓客嘉話錄

李廓少年行有剗戴揚州帽之句按裴度爲賊所刺亦
以戴揚州氍帽得免重傷

嘉靖惟揚志

李藩叔翰其字也嘗寓東洛窘急欲挈家居揚州乃詣
中橋問卜胡蘆生生日公在紗籠中豈畏迤厄耶李問
紗籠事終不言遂往揚州居參佐橋有高員外相善自
言夢見舊使庄客歿已十年曰爲陰吏蒙差與李三郎
當直某曰三郎安得如此曰是紗籠中人詰之不肯言
數年張建封鎮揚州奏爲巡官會有新羅僧能相人在
張坐見李至降階迎謂張公曰巡官是紗籠中人僕射

且不及張因問紗籠事僧曰宰相冥司必潛以紗籠護之餘官不得也方悟胡蘆生及高所夢李後竟為相盧肇逸史

竇常字中行大曆中及進士第隱居廣陵之柳楊著書二十年不出全唐詩小傳

李德裕作相有奉使京口者命勺金山下揚子江中冷水各置一壺其人忘之至石城方汲一瓶歸獻之李飲之曰此頗似建康城下水其人謝過不敢隱中朝故事

牛竒章帥維揚杜牧在幕中夜多微服逸遊公聞之以街子數輩潛隨護之以防不虞後牧之以拾遺召臨別

公以縱逸為戒牧之始猶諱之公命取一篋皆街子報帖云杜書記平善乃大感服廖瑩中江行雜錄

章孝標及第後寄淮南李紳詩曰及第全勝十改官金鞍鍍了出長安馬頭漸入揚州郭為報時人洗眼看紳以一絕荅之曰假金只用真金鍍若是真金不鍍金十載長安得一第何須空腹用高心撫言

崔涯者吳楚之狂生也與張祜齊名每題一詩於娼肆無不誦之於衢路譽之則車馬繼來毀之則杯盤穴錯其妻雍氏乃揚州總校之女也儀質閑雅夫婦甚睦雍族以崔郎有才名資贍每厚崔生於飲食之處畧無憚

敬之顏但呼妻父雍老而已雍久之不能容勃然仗劍呼女而出謂崔曰某河朔之人惟習弓馬養女合嫁軍門徒慕士流之德小女違君別醮不可便令剃髮為尼女若不從吾當揮劍涯方悲泣悔過雍卒不聽涯不得已裁詩留贈隴上流泉隴下分斷腸嗚咽不堪聞姮娥一入雲中去巫峽千秋空白雲

范攄雲溪友議

太保令狐相出鎮淮海日支使班蒙與從事俱遊大明寺之西廊忽覩前壁題云一人堂堂二曜重光泉深尺一點去冰旁二人相連不欠一邊三梁四柱烈火然添却雙鈎兩日全諸賓觀之皆莫能辨獨班支使曰一人

大字也二曜日月明字也尺一者十一寸寺字也冰去點水字也二人相連天字不欠一邊下字三梁句無字也添雙鈎為兩日比字也以此觀之得非大明寺水天下無比八字乎眾皆恍然謂黃絹之智無以異也詢之老僧云頃年有客獨遊題之而去不言姓氏

桂苑叢談

武宗會昌年鑄開元錢廢天下銅佛像揚州節度使李紳乃以一廢寺銅鑄錢皆昌字以表年號

嘉靖惟揚志

崔信明嘗矜其文揚州錄事叅軍鄭世翼遇信明江中謂曰聞君有楓落吳江冷之句願見其餘信明欣然多出眾篇世翼覽未終日所見不逮所聞投諸水引舟去

王勣携寶鏡遊江南將渡廣陵楊子江忽暗雲覆水黑風波湧舟子失色慮有覆沒勣携鏡上舟照江中數步明朗徹底風雲四歛波濤遂息

異聞集

僞吳楊行密初定揚州有康氏者以傭貸爲業僦一室於太平坊空宅中康晨出未返其夕生一子方蓆藁忽有一異人赤面朱衣據門而坐妻驚怖久之乃走如舍西訇然有聲康適歸而路左忽有錢五千羊牛腔樽酒在焉因持歸妻亦告其所見卽往舍西尋之乃一金人仆於草間亦曳之歸自是富贍而所生子名曰平平及

長遂爲富人

徐鉉稽神錄

廣陵有賈人以柏木造牀几什物百餘事製作甚精費已二十萬載之建康求利晚至瓜步微有風因泊山下頃之有巨舟其中空惟篙工三人亦泊其側賈人疑其爲盜與其伴曰設伺夜劫我逃避無地乃相與登岸避之俄而風雨雷電蒙覆舟所岸上則星月皎然食頃雨止雲散見巨艘前去乃敢歸舟其所載器物都不復見巨舟有人呼曰爾無恨當還爾價直賈人復歸廣陵至家已有人送錢三十萬而去問之卽泊瓜步之明日也

稽神錄

江南司農少卿崔萬安分務廣陵嘗病苦脾泄困甚其家人禱於后土祠是夕萬安夢一婦人珠珥珠履衣五重皆編貝玉爲之謂萬安曰此病可治今以一方相與可取青木香肉荳蔻等分棗肉爲丸米飲下二十九又云此藥大熱疾平卽止如其言服之遂愈稽神錄

僞吳毛貞輔累爲邑宰應選之廣陵夢吞日旣寤腹猶熱以問侍御史楊廷式曰此夢至大非君所能當若以君而言當得赤烏場官也果如其言稽神錄

江南吉州刺史張曜卿有儻力曰陶俊性謹直嘗從軍征江西爲飛石所中因有腰足之疾恒扶杖而行張命

守舟於廣陵之江口因至市中避雨於酒肆同立者甚衆有二書生過於前獨顧俊曰厥人好心宜爲療其疾卽呼俊與藥二丸曰服此卽愈乃去後歸舟吞之覺腹中痛楚甚頃之痛止疾亦都瘥操篙理纜尤覺輕捷日行百五十里不以爲勞後訪二書生不復見稽神錄

潘祐廣陵人文章瞻逸敏於議論南唐後主時爲史館修撰知制誥自言其母方娠夢古衣冠人告曰我顏延之也與夫人爲子及生七歲始能語曰兒悞傷白龍爲上帝所罰也因吟詩曰只因騎折玉龍腰謫在人間三十六後果以三十六歲卒馬令南唐書

南唐於揚州置紙務嘗求紙工於蜀中唐主好蜀紙既得蜀工使行境內惟六合之水與蜀同遂於揚州置務守臣歲貢時六合正屬揚州也

后山叢話

申漸高事睿帝爲樂工常吹三孔笛賣藥於廣陵市乾貞時按籍編括而關司歛率尤繁商人苦之會都城亢旱中書令徐知誥謂左右曰近郊頗得雨都城不雨何也得非刑獄有寃乎漸高作諧語進曰雨畏抽稅不敢入城耳知誥大笑明日下教弛額外稅信宿大雨霑洽

十國春秋

彭利用廣陵人性拘古禮雖燕居常拱手正坐對家人

稚子下逮奴隸言必據書史斷章破句以代常談俗謂之掉書袋因自爲彭書袋每出遠塗雖冒雨雪不徹冠幘或喻之曰跋涉勞頓當從簡易利用對曰有禮則安無禮則危焉可悖之以爲先聖之罪人哉

馬令南唐書

聶師道居問政山吳主聞其名召至廣陵建紫極宮居之一夕羣盜奄至舉什器盡取之師道謂曰若爲盜持此將安用乎乃引於曲室盡括金帛與焉仍屬之曰當從某地出無邏卒可逸去居數年師道奉命設醮龍虎山道遇暴客將加害中一人熟視師道謂同黨勿犯先生因曰我卽紫極宮盜也感先生至仁之心今以相報

江都大廳相傳云陰有怪物所據升之者必爲瓦所擲相承居小廳蒞事江夢孫自秘書郎出宰是邑下車之日升正廳受賀向夜具香案端笏當中而坐誦周易一遍明日如常理事蔑爾無聞自始來至終考莫覩怪異後之爲政者皆飲其惠焉

馬令南唐書

馮延巳廣陵人工詩雖貴且老不廢元宗嘗因曲宴內殿從容謂曰吹皺一池春水干卿何事延巳對曰安得如陛下小樓吹徹玉笙寒特高妙也其君臣以文字相譽如此

十國春秋

廣陵孔目吏歐陽某者居決定寺前其家妻小遇亂失其父母至是有老父詣門使白其妻我汝父也妻見其貧陋不悅拒絕之父曰吾自遠來今無所歸矣若爾權寄門下信宿可乎妻又不從其夫勸又不可父乃曰去吾將訟爾矣明日午暴風從南方來震霆入歐陽氏之居牽其妻自中庭擊殺之後數日歐陽家人至后土廟神座前得一書卽老父訟女文也

稽神錄

海仙花者世謂之錦帶維揚人傳云初得於海州山谷間其枝長而花密若錦帶然其花未開如海棠旣開如文瓜而繁麗嬈嬈過之惜其不香無子第可鈎壓其條

移植他所近之好事者作花譜以海棠爲花中神仙此
花不在海棠下宜以仙爲號目之錦帶俚孰甚焉又取
始得之地命曰海仙且爲賦詩三章一堆絳雪壓春叢
嫋嫋長條弄曉風借問開時何所似似將綉被覆薰籠
春憎窈窕教無子天爲妖嬈不與香盡日含毫難比興
花中應是衛莊姜何年移植在僧家一簇柔條綴彩霞
錦帶爲名卑且俗爲君呼作海仙花

王禹偁小畜集

咸平間知揚州魏羽上雩祀五龍祈雨法詔放諸路其
法以甲乙日擇東地作壇取土造青龍凡早建壇取五
行生成之數長史齋三日詣龍所汲流水設香茗菓率

郡官再至祝酹不用巫覡雨足送龍水中故淮南子有

土龍致雨之說

吳錄

方圭好爲惡詩仁宗朝宋庠知揚州圭來謁宴於平山
堂圭誦詩不已庠見野外有牛就木磨謂坐客晁詵曰
青牛恃力狂挨木詵應聲曰妖鳥啼聲不避人圭悟其
意飲散擊詵

姓譜

治平間有中官杜浙者好與舉子同遊學文談不悉是
非居揚州凡荅親舊書若此事甚大必曰茲務孔洪如
此甚多

畫墁錄

王君玉內翰初登第調揚州江都縣簿題九曲池詩晏

江都縣志 卷二十一
元獻閱之賞嘆薦爲館職又嘗乞夢於后土祠夜得報
云君年二十七官至四品時年正二十六七大惡之過歲
乃稍自安後以禮部侍郎樞密直學士致仕未改官制
時正四品年七十二云 許彥周詩話

歐陽文忠公在揚州作平山堂壯麗爲淮南第一據蜀
岡下臨江南數百里真潤金陵三州隱隱若可見公每
暑時輒凌晨携客往遊遣人走邵伯湖取荷花千餘朶
以畫盆分插百許盆與客相間遇酒行卽遣妓取一花
傳客以次摘其葉盡處則飲酒往往侵夜載月而歸 葉
夢得避暑錄

俞澹字清老紫芝弟也不娶滑稽諧謔曉音律能歌王
荆公喜之晚年作漁家傲等詞山行歌之一日云吾欲
爲浮屠公欣然爲置祠部約日祝髮後乃曰吾思僧亦
不易爲公所贈祠部已送酒家矣荆公大笑 姓譜

歐陽公自維揚移守汝陰作西湖詩云都將二十四橋
月換得西湖十頃秋東坡自穎移維揚作詩寄曰二十
四橋亦何有換此十頃玻璃風使歐公詩也 趙德麟侯
鯖公

揚州山光寺一小室中有題二絕於壁上者曰馬蹄輕
蹙柳花浮醉入淮南第一州不是青樓羞薄倖自緣無
錦不纏頭又曰高臺已傾池已平隋家宮殿春草生千

江都縣志 卷二十一
年往事何足嘆廣陵非復舊時城二詩筆法秀勁不題
名氏王荆公後題云此沈文通詩 侯鯖錄

黃魯直云揚州市東酒肆柱上有人題詞云秋風吹渭
水落葉滿長安黃塵車馬道獨清閒自然鑪鼎虎繞與
龍盤九轉丹砂就琴心三疊蕊宮看舞胎仙便萬釘寶
帶貂蟬富貴欲薰天黃梁炊未熟夢驚殘再遊溪浦廬
山後有醉道士於廣陵市上歌此曲或云是呂洞賓 名勝志

東坡在維揚設客十餘人皆一時名士米元章在焉酒
半元章忽起立云少事白吾丈世人皆以芾爲顛願質

之子瞻坡云吾從衆坐客皆笑

侯鯖錄

揚州產芍藥其妙者不減於姚黃魏紫蔡元長知維揚
日作萬花會其後歲歲循習而爲人頗病之元祐七年
東坡來知揚州正遇花時吏白舊例公判罷之人皆鼓
舞欣悅作書報王定國云花會檢舊案用花千萬朶吏
緣爲姦乃揚州大害已罷之矣雖殺風景免造業也公
爲政之惠利於民率皆類此 張邦基墨莊漫錄

蘇東坡初未識秦少游少游知其將復過維揚作波筆
語題壁於一山寺中東坡果不能辨大驚及見孫莘老
出少游詩詞數百篇讀之乃嘆曰向書壁者豈此郎耶

東坡知揚州夢行山林間一虎來噬方驚怖有紫衣道士揮袖障公叱虎使去明日道士投謁曰夜出不至驚畏否公咄曰鼠子乃敢爾正欲杖汝脊汝謂吾不知汝子夜術耶道士驚怖而退

趙與峇賓退錄

揚州蜀岡上大明寺平山堂前歐陽文忠公手植柳一株謂之歐公柳公詞所謂手植堂前楊柳別來幾度春風者薛嗣昌作守相時亦種一株自榜曰薛公柳人莫不嗤之嗣昌既去爲人伐之不度德有如此者

嘉靖惟揚志

張紫陽天臺人浪跡雲水遇一僧能入定出神數百里

間頃刻輒到紫陽曰禪師今日能與同遊遠方乎僧曰可也紫陽曰惟命是聽僧曰願同往揚州觀瓊花於是紫陽與僧靜處一室相對瞑目趺坐皆出神遊紫陽纔至其地僧已先至遶花三匝紫陽曰今日與禪師至此各折一花爲記僧與紫陽各折一花歸少頃二人欠伸而覺紫陽云禪師瓊花何在僧袖手皆空紫陽拈出瓊花與僧笑翫後弟子問曰彼禪師者與吾師同此神遊何以有折花之異紫陽曰我金丹大道性命兼修故聚則成形散則成氣所至之地真神見形誼之陽神彼直修性宗不復修命故所至之地人見無復形影謂之陰

神弟子曰唯

神仙通鑑

熙寧中高麗入貢所經州縣悉索地圖所至皆造送山川道路形勢險易無不備載至揚州牒州取地圖是時丞相陳秀公守揚給使者欲盡見兩浙所供圖佞其規模供造及圖至都聚而焚之具以事聞

沈括夢溪筆談

藝祖既平江南詔以兵器盡納揚州不得支動號曰禁庫方臘作亂童貫出征許於逐州軍選兵仗既開禁庫兩方將士望見所貯弓挺直大喜曰此良弓也因出試之宛然如新自開寶乙亥至宣和辛丑一百四十七年而膠漆不脫可謂異矣靖康末宋南起勤王之師帥

臣翁彥國令揚州作院造神臂弓限一月成皆不可用當時識者以爲國初之弓限一年成而今成於旬之間宜乎美惡之相絕也

馬永卿懶真子集

維揚有石墦院者墦之制作精妙龍德幸維揚時嘗欲往觀先遣人排辦供奉諸璫環視之嘆嘗京師無此制作有一僧從旁厲聲曰何不取充花石德聞之遂罷幸按龍德徽宗宮名

曾敏行獨醒雜志

建炎元年十一月朔駕幸揚州二年八月甲戌上策諸道正奏名進士於崇政殿乙亥策特奏名進士庚寅上御崇政殿賜諸路類省試正奏名進士李易等四百五

十一人及第出身同出身而川陝河北京東正奏名進士一百四人以道梗不能赴皆卽家賜第特奏名張鴻舉以下至五等皆許調官鴻舉以龍飛恩特附第二甲易江都人鴻舉邵武人也丁酉賜新及第進士錢千七百緡爲集期會自是以爲故事李易等以勞辭聞喜宴從之

嘉靖惟揚志

李叔微者知可其字也家貧篤意經史少有聲舉場尤邃醫建炎初兵後大疫叔微親行里巷爲之療視所活甚衆一夕夢若神人者謂之曰汝平生有遺恨乎微曰遺恨有三少失怙不得致菽水之養一也束髮讀書

望一第爲門戶計今年踰五十而無所成二也後嗣未立爲不孝之大三也神人曰上帝以汝有陰功命汝以官錫汝以子父母則不可見因畱語云藥市收功陳樓間阻殿上呼臚喝六得五旣覺不知何謂紹興二年乃以第六人登第繼升第五人在陳和婁才之間後得二子夢中之言無弗契者

嘉靖惟揚志

李衡江都人紹興中爲侍御史同知貢舉

以節度使掌兵柄衡力疏其事謂不當以母后時

人擇官廷爭移時五上章請老乃以罷

中莫濟不書勅翰林周必大不草制

與衡相濟論奏同時去國士為四賢

隆興間有揚州帥貴戚也宴席間語安

宦方解着衣喫飯僕欲作一書言衣帽酒殺之制

書名通判鮮于廣蜀人即對曰公方立勲

此他時功成名遂均逸林下乃可成書耳

逸居集帥不之悟有牛簽判者東歸正宦 輒撰齊音

曰安撫莫信此是通判罵安撫飽食煖之逸居而無教

則近於禽獸帥赧面而通判有得色 味游老學菴筆記

鞏侍郎童蒙日在廣陵入學其師甚嚴每朝午歸 指

景為約其時不至當行賈楚苦里卷中一亞八犬當道鞏

乃整衣望犬再拜祈之曰幸無嚙我口入口子中免為夫

子答責犬狂吠不顧是夕犬暴死於家 嘉靖

揚州開元寺伐地得二甕瓶白質小口膚

內府一書會慶館疑隋宮故物也 嘉靖

元江都王宴客忽大雪寒甚子士剪紅紅

頃刻光生射照一室煖於三夏坐客解衣

人也 伊世珍娜嬛記

張仲舉為集慶訓導以得罪御史乘夜奔揚州世

全盛眾素聞其名皆延致之仲舉軀軀

一肩眾為詩以譏笑之時有相士午

形也相士曰不然此雨淋鷓形也

大都居相位封潞公相士亦異人也

有齊

銀錠上字號揚州元寶乃至元十三年大兵平

揚州丞相伯顏號令搜檢將士行李折得

作錠每重五十兩歸朝獻納世祖大會皇

國戚從而頒賜或用貨賣是以民間有此

李翠娥維揚名倡也石九山萬戶納置

不他適終日閉閣誦經而已年及七十餘

孫遇歲時咸往拜之樂籍中傳為盛事

陶

錄

明太宗伯周洪謨中鄉貢日舟泊瓜江夜見一異人謂

公曰吾即子之前身也公日子何六對曰五友鶴丁山

人公官南京翰林日以詩訊知揚州府三百

生

死輪回事杳冥前身幻出鶴仙靈當

表歸來又姓丁王得詩甚訝集郡之耆

節曰友鶴山人吾友丁宗啓之父以詩名

至建文元年歿於成都以儒雅重於藩王

即以此回報宗伯世以為異如羊祜房瑄

應佐江都人自少以志節聞弘治間貢為太學生

妖佐為辨怪文以禱於神天遂熄

姓譜

正德戊寅武宗幸揚州河亦合問

立春尚餘旬日武宗曰春迎之即

東郊次日百花盛開河水冰泮蓉糕多甜

蘇仲豫言蔣穎叔之為江淮發運也不智有餘

欺嘗於所居公署前置一占風旗使人候

諸漕綱日程亦各記風之便逆蓋雷雨雪

不均風則天下皆一每有運至取其日程

其稽緩者綱吏畏服嘉靖惟揚志

曾銑有膽畧長於用兵歲除夜猝命諸將

警諸將置酒不欲行賂鈴卒求緩於銑妾

卒以徇諸將不得已丙夜被甲行朱思寇擊敗之翌日

斬

入賀畢前請曰敢問何以知有警

時噪以故知之皆大服康熙府志

維揚錢氏女能賦詩有警句述懷云

揮翰寧題葉上聯又云芙蓉只合含霜

暮烟賢於朱淑貞之流遠矣嘉靖惟揚志

咸寧倪璜寓廣陵母劉氏病璜齋沐祈天

一日浴水冰結成竒花三本幹葉俱備狀

愈人咸以為孝徵嘉靖惟揚志

嘉靖三十五年五月倭犯瓜州

奮擊之倭不能當棄刀仗

為脚兵

萬曆縣志

國朝方立禮江都人繼母偏愛

酷立禮順受之無怨言鄉里稱為孝

立禮於空室中不予食者三日有犬啣餅

食之得不死母意其已斃啓門見猶生焉

暴漸已

方孝子家傳

論曰雜記者何記江都之逸事也

古今載記正志不勝書故逸之

曰不可鬼神荒誕不經之說足

媒嫚之詞足以蕩心悉芟薶

發惺悟廣人門

志未俾見者懔

而士大夫濶覽护

江都縣志卷之二十終

